



水經注箋卷第三十

漢 桑欽撰

後魏酈道元

注

明 李長庚訂

孫汝澄

朱謀埠箋

李克家全校

淮水

淮水出南陽平氏縣胎簪山東北過桐栢山

山海經曰淮出餘山在朝陽東義鄉西尚書導淮

自桐栢地理志曰南陽平氏縣王莽之平善也風

俗通曰南陽平氏縣桐栢大復山在東南淮水所

出也淮均也春秋說題辭曰淮者均其勢也釋名



曰淮韋也韋繞楊州北界東至于海也爾雅曰淮
爲澣然淮水與醴水同源俱導西流爲醴東流爲
淮自潛流地下三十許里東出桐栢之大復山南
謂之陽口水南卽復陽縣也闕駟言復陽縣胡陽
之樂鄉也元帝元延二年置在桐栢大復山之陽
故曰復陽也東觀漢記曰朱祐少孤歸外家復陽
劉氏山南有淮源廟廟前有碑是南陽郭苞立又
二碑並是漢延熹中守令所造文辭鄙拙殆不可
觀故經云東北過桐栢也

淮水又東逕義陽縣

縣南對固成山山有水注流數丈洪濤灌山遂成
巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方闕駟言
晉太始中割南陽東鄙之安昌平林平氏義陽四
縣置義陽郡於安昌城又太康記晉書地道記並
有義陽郡以南陽屬縣爲名漢武帝元封四年封
北地都尉衛山爲侯國也孫云按史記元狩四年
九渡水注之水出雞翅山礮澗潛委汭遡九渡矣
其猶零陽之九渡水故亦謂之爲九渡焉於溪之

東山有一水發自山椒下數丈素湍直注頽波委壑當作委壑可數百丈望之若霏幅練矣下注九渡水九渡水又北流注于淮

東過江夏平春縣北

淮水注又東油水注之

水出縣西南油溪東北流逕平春縣故城南漢和

帝建初四年封子全為王國淮水又東曲岸北有

一土穴徑尺泉流下注泂流波三丈入于油水亂

流南屈又東北注于淮淮水又東北逕城陽縣故

城南漢高帝十二年封定侯奚意為侯國孫云城陽

意制城陽侯家王莽之利斬也魏城陽郡治

淮水注又東北與大木水合

水西出大木山山即晉車騎將軍祖逖自陳留將

家避難所居也其水東逕城陽縣北而東入于淮

淮水注又東北流左會湖水

榜川西南出窮溪得其源也

淮水注又東逕安陽縣故城南

江國也嬴姓矣今其地有江亭春秋文公四年楚

人滅江秦伯降服出次日同盟滅雖不能救敢不

矜乎春秋僖二年齊夾江黃盟于貫地理志曰漢

乃縣之臣文八年封淮南厲王子劉勃為侯國孫

按史記年表文帝八年淮南厲王子勃封安陽侯王莽之均夏也

淮水注又東得澗口水

源南出大潰山東北流翼帶三川亂流北注澗水

又北逕賢首山西又北出東南屈逕仁順城南故

義陽郡治分南陽置也晉太始初以封安平獻王

孚長子望本治在石城山上因梁希侵逼徙治此

城齊司州刺史馬鮮卑不守魏置郢州也昔常珍

奇自懸瓠遣三千騎援義陽行事龐定光屯于澗

水者也後魏書常珍奇者汝南人為宋劉駿司州刺史與薛安都等推立劉子勳

使馳告長社鎮請降以珍奇為豫州刺史河

內公歲餘珍奇密懷南叛尚書元石自出攻之珍

奇乘虛於懸瓠反叛燒城東門斬三百餘人屯於澗水澗水東南

流歷金山北山無樹木峻峭層峙澗水又東逕義

陽故城北城在山上因倚陵嶺周迴三里是郡昔

所舊治城城南一十五步對門有天井周一百餘

步深一丈東逕鍾武故城南本江夏之屬縣也王

莽之當利縣矣又東逕石城山北山甚高峻史記

曰魏攻冥阨音義曰冥阨或言在鄙縣藉山也按

呂氏春秋九塞其一也澗水逕鄙縣故城南建武

中世祖封鄧邯為鄙縣按宋本作蘇林曰音育

作音 澗水又東逕七井岡南又東北注于淮淮水
 又東至谷口谷水南出鮮金山北流至澗水注之
 水出西南具山東北逕光淹城東而北逕青山東
 羅山西俗謂之山居水東北流注于谷水谷水東北入于淮
 又東過新息縣南

淮水東逕故息城南春秋左傳隱公十一年鄭息
 有違言息侯伐鄭鄭伯敗之者也

淮水注又東逕浮光山北

出召玉及黑石堪為茶其山俯映長淮

亦曰扶光山即弋山也逕新息縣故城南應劭曰
 息後徙東故加新也王莽之新德也光武十九年

每有光輝淮水又東

封馬援為侯國外城北門內有新息長賈彪廟廟
 前有碑面南又有魏汝南太守程曉碑魏太和中
 蠻田益宗或立東豫州以益宗為刺史淮水又
 東合慎縣水水出慎陽縣西而東逕慎陽縣故城

南縣取名焉

孫按史記索隱曰慎陽屬汝南如淳曰音震闕駟曰今作慎陽永平五年

失印更刻遂誤以水為心

漢高帝十一年封樂說為侯國潁陰

劉陶為縣長政化大行道不拾遺以病去官童謠
 歌曰悒然不樂思我劉君何時復來安此下民見
 思如此應劭曰慎水所出東北入淮慎水又東流
 積為焦陂陂水又東南流為上慎陂又東為中慎

陂又東南為下慎陂皆與鴻郟陂水散流其陂首受淮川左結鴻陂漢成帝時翟方進奏毀之建武中汝南太守鄧晨欲修復之知許偉君曉知水脈召與議之偉君言成帝用方進言毀之尋而夢上天天帝怒曰何故敗我濯_龍淵是後民失其利時有童謠曰敗我陂翟子威及乎覆陂當復明府興復廢業童謠之言將有徵矣

漢書汝南舊有鴻陂大陂郡以為饒成帝時關東數水陂溢為害翟方進為相奏決去陂水有童謠曰壞陂誰翟子威飯我豆食美芋魁反乎覆陂當復誰遂署都水掾起塘四百餘里百姓得其利陂水散流下合慎水而東南逕息城北又東

逕南入淮謂之慎口淮水又東與申陂水合水上承申陂於新息縣北東南流分為二水一水逕潁丘西又屈逕其南南派為蓮湖水南流注于淮淮水又左逕流結兩湖謂之東西蓮湖矣

淮水注又東右合壑水

宋本右下有合字

水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西即黃城也柴水又東北入於淮謂之柴口也

淮水注又東北申陂水注也

水經注卷三十一 淮水 中臺北有琴臺又東逕陽亭南東南合淮

淮水入注又東逕淮陰亭北又東逕白城南

楚白公勝之邑也又東北去白亭一十里

淮水入注又東逕長陵戍南又東青陂水注之

分青陂東瀆東南逕白亭西又南於長陵戍東東

南入于淮

淮水入注又東北合黃水

水出黃武山東北流木陵關水注之水導源木陵山

西北流注于黃水黃水又東逕晉西陽城南又東

逕南光城南光郡治又東北逕高城南故弦高國

也又東北逕弋陽郡漢郡國志汝南郡弋陽縣東

有虞丘郭南有子榑廟黃水又東北入于淮謂之

黃口淮水又東北逕襄信縣故城南而東流注之

者也

又東過期思縣北

縣故蔣國周公之後也春秋文公十年楚王田于

孟諸期思公復遂為右司馬楚滅之以為縣漢高

帝十二年以封賁赫為侯國城之西北隅有楚相

孫叔敖廟廟前有碑

水經注卷三十一
淮水又東北淠水注之一作

水出弋陽縣南垂山西北流歷陰山關逕二城間舊有賊難軍所謂頓防西北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入淠水又東北注淮俗曰白鷺水

東過原鹿縣南汝水從西北來注之

縣卽春秋之鹿上也左傳僖公二十一年宋人爲鹿上之盟以求諸侯於楚建武十五年世祖更封侍中執金吾陰鄉侯陰識爲侯國者也

東過廬江安豐縣東北決水從北來注之

廬江故淮南也漢文帝十六年別以爲國應劭曰故廬子國也決水自舒蓼北注不於北來也安豐東北注淮者窮水矣又非決水皆誤耳

淮水注又東谷水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸爲富陂侯十三州志曰漢和帝永元九年分汝陰置多陂塘以溉稻

故曰富陂縣也谷水又東於汝陰城東南注

注下富

淮水注又東北左會潤水

水首受富陂東南流為高塘陂又東積而為陂水

東注焦陵陂陂水北出為鮑陂陂水潭漲引瀆北

注汝陰四周隍塹下注潁水焦湖東注謂之潤水

逕汝陰縣東逕荆亭北而東入淮

淮水注又東北窮水入焉

水出六安國安豐縣窮谷春秋左傳楚救潛司馬

沈尹戌與吳師遇于窮谷者也川流泄注于決水

之右北灌安豐之左世謂之豐水亦曰

窮水音戎並聲相近字隨讀轉流結為陂謂之窮

陂塘堰雖淪猶用不輟陂水四分農事用康北流

注于淮京相璠曰今安豐有窮水北入淮淮水又

東為安豐津水南有城故安豐都尉治後立霍丘

戍淮淮中有洲俗號關洲蓋津關所在故斯洲納

稱焉魏書國志有曰司馬景王征母丘儉使鎮西

將軍豫州刺史諸葛誕從安豐津先至壽春儉敗

與小弟秀藏水草中安豐津都尉部民張屬斬之

傳首京都即斯津也

又東北至九江壽春縣西泚水洪水合此注之又東
潁水從西北來流注之

淮水又東左合泚口又東逕中陽亭北為中陽渡
水流淺磧可以厲也

淮水又東流與潁口會東南逕倉陵北又東北流逕
壽春縣故城西

縣即楚考烈王自陳徙此秦始皇立九江郡治此
兼得廬江豫章之地故以九江名郡漢高帝四年
為淮南國孝武元狩六年復為九江焉文穎曰史
記貨殖傳曰淮以北沛陳汝南南部為西楚彭城

以東東海吳廣陵為東楚衡山九江江南豫章長
沙為南楚是為三楚者也

淮水又北左合椒水

水上承淮水東北流逕地南又歷其城東亦謂
之清水東北流注于淮水謂之清水口者是合椒水焉

又東過壽春縣北肥水從縣東北流注之

淮水於壽陽縣西北肥水從城西入于淮謂之
肥口淮水又北夏肥水注之水上承沙水於城父
縣右出東南流逕城父縣故城南王莽之思善也

縣故焦夷之地春秋左傳昭公九年楚公子棄疾遷許于夷實城父矣取州來淮北之田以益之伍

舉授許夷田杜預曰此時改城父為夷故傳實之者也言夷田在濮水西者也然則濮水即沙水之

兼稱得夏肥之通目矣漢桓帝永壽元年封大將軍梁冀孫桃為侯國者也夏肥水自縣又東逕思

善縣之故城南漢章帝章和三年分城父立夏肥水又東為高坡當作又東為大淙陂水出分為二

流南為肥水北為雞陂夏肥東流左合雞水水出雞陂東為黃陂又東南流積為茅陂又東為雞水

呂氏春秋曰宋人有取道者其馬不進之雞水

是也雞水右會肥水而亂流東注俱入于淮

淮水注又北逕山碇中謂之碇石

對岸山上結二城以防津要西岸山上有馬跡世傳淮南王乘馬昇僊所在也今山之東南石上有

大小馬跡一十餘所仍今存焉淮水又北逕下蔡

縣故城東本州來之城也吳季札非以州來始封延陵後邑

州來故曰延州來矣春秋襄公二年蔡成昭侯自新

蔡遷于州來謂之下蔡也左傳哀公二年吳漫庸如蔡納聘而稍納師師

畢入衆知之蔡侯告大夫殺公子駟以說吳而遷墓冬蔡遷于州來史記楚昭王伐蔡蔡告急於吳

吳為蔡遠約遷以自近易以相救昭侯私許之吳人來救蔡因遷蔡于州來注云州來在淮南下蔡縣淮之東岸又有一城下蔡新城也二城對據翼

帶淮濱淮水東逕八山北山上有老子廟淮水歷

潘城南置潘溪戍戍東側潘溪吐川納淮更相引

注又東逕梁城臨側淮川川左有湄城淮水左迤

為湄湖淮水又右納洛川於西曲陽縣北水分閭

溪北絕橫塘北逕蕭亭東又北鵲甫溪水入焉水

出東鵲甫谷西北流逕鵲甫亭南西北流注于洛

水北逕西曲陽縣故城東王莽之延平亭也應劭

曰縣在淮曲之陽下邳有曲陽故是加西也洛澗

北界東城下注淮謂之洛口經所謂淮水逕壽春

縣北肥水從縣東北注者也蓋經之謬矣考川定士

即實為非是曰洛澗非肥水也

淮水入注又北逕莫耶山西

山南有陰陵縣故城漢高祖五年項羽自垓下從

數百騎夜馳渡淮至陰陵迷失道左陷大澤漢令

騎將灌嬰以五千騎追及之於斯縣者也按地理

志王莽之陰陸也後漢九江郡治時多虎災百姓

苦之南陽宋宗均為守退貪殘進忠良虎悉東渡江

危躡華書宋均字叔康南陽安衆人為九江太守退姦貪進忠善去檻穽虎皆東渡江去據謝承漢

書云南陽宗資祖父均通明誠金石錄云宗資墓在南陽有天鹿碑邪知宋均當作宗均也

又東過當塗縣北過水從西北來注之克家云過水當作過水

淮水自莫耶山東北逕馬頭城北魏馬頭郡治也

故當塗縣之故城也後魏地理志馬頭郡屬南兗州呂氏春秋曰

禹娶塗山氏如不以私害公自辛至甲四日復往

治水故江淮之俗以辛壬癸甲為嫁娶日也禹

在山西南縣即其地也地理志曰當塗侯國也魏

不害以宰圍守尉捕淮陽反者公孫勇者漢以封之

史記年表云魏不害以圍守尉捕淮陽反者公孫勇等封當塗侯在武帝時此宰字誤當作閻漢

地志云圍城屬淮陽郡王莽更名山聚也

淮水又東北濠水注之

水出莫耶山東北之溪溪水西北引瀆逕禹墟北

又西流注于淮

淮水又北沙水注之

經所謂蕩蕩渠也淮之西有平阿縣故城王莽之

平寧也建武十三年世祖更封耿臯為侯國郡國

志曰平阿縣有會塗山淮出于荆山之左當塗之

右奔流二山之間西揚濤北注之春秋左傳哀公

十年大夫對孟孫曰禹會諸侯于塗山執玉帛者

萬國杜預曰塗山在壽春東北非也余按國語曰

吳伐楚噶會稽獲骨焉節專車吳子使來聘且問之客執骨而問之敢問骨何為大仲尼曰丘聞之昔禹致羣神於會稽之山防風氏後至禹殺之其骨專車此為大也蓋丘明親承聖旨錄為實証矣又按劉向說苑辯物王肅之敘孔子廿二世孫孔猛舊本無廿二字王肅家語序云孔子廿二世孫孫猛所出先人書家語並出此事故塗山有會稽之名考校羣書及方士一作士之目疑非此矣蓋周穆之所會矣淮水於荆山北過水自南注之又東北逕沛郡義城縣東司馬彪曰後隸九江也

又東過鍾離縣北

世本曰鍾離羸姓也應劭曰縣故鍾離子國也楚滅之以為縣春秋左傳所謂吳公子光伐楚拔鍾離者也王莽之蠶富也濠水出陰陵縣之陽亭北小屈有石穴不測所竊言穴出鍾乳所未詳也濠水東北流逕其縣西又屈而南轉東逕其城南又北歷其城東逕小城而北流注于淮

淮水又東逕夏丘縣南

又東渙水入九里注之渙水又東南流逕離丘縣故城南又東逕承匡城又東逕襄邑縣故城南

使為前
秦以收
未開封
者以東

故宋之承匡襄牛之地。宋襄公之所葬故號襄陵。

漢地理志襄邑注引圈稱云襄邑宋地本承匡襄陵鄰也宋襄公所葬故曰襄陵秦始皇以承

匡卑濕故徙縣於襄陵謂之襄邑竹書紀年梁惠成王十七年宋

景數衛公孫倉會齊師圍我襄陵以竹書紀年校正十八

年惠成王以韓師諸侯師于襄陵縣齊侯使楚景

舍來求成公會齊宋之圍即於此也西有承匡城

春秋會于承匡者也秦始皇以承匡卑濕徙縣於

襄陵更爲襄邑也王莽以爲襄平也漢桓帝建和

元年封梁冀子胡狗爲侯國陳留風俗傳曰縣南

有渙水故傳曰睢渙之間出文章天子郊廟御服

出焉尚書所謂厥篚織文者也渙水又東南逕巴

吾縣故城南又東逕鄆城北春秋襄公元年經書

晉韓厥帥師伐鄭魯仲孫蔑會齊曹邾杞次于鄆

杜預曰陳留襄邑縣東南有鄆城渙水又東南逕

鄆宋林駟作鄆城北新城南又東南左合明溝溝水自蓬

洪陂東南流謂之明溝下入渙水又逕亳城北帝

王世記曰穀熟爲南亳即湯都也十三州志曰漢

武帝分穀熟置春秋莊公十三年宋公子御說奔

甲亳者也渙水東逕穀熟城南漢光武建武二年

封更始子歆爲侯國又東逕楊亭北春秋左氏傳

南流逕

水經注卷三十一 五

襄公十二年楚子囊秦庶長無地伐宋師于楊梁以報晉之取鄭也。京相璠曰宋地矣。今睢陽東南三十里有故楊梁。今日陽亭也。俗名之曰緣城非矣。西北去梁國八十里。渙水又東逕沛郡之建平縣。故城南。漢武帝元年封杜延年為侯國。王莽之田平也。又東逕鄆縣。故城南。春秋襄公十年公會諸侯及齊世子光于鄆。鄆字誤按三傳皆作會于鄆。鄆古文作鄆。應劭讀作鄆。本漢地志沛郡鄆縣注。鄆本作為鄆。王莽曰贊治。今其地鄆聚是也。王莽之鄆治矣。漢水當作渙水又東南逕費亭。南漢建和元年封中常侍沛國曹騰為侯國。騰字季興譙人也。永

初中定桓帝策封亭侯。此水即其所食之邑也。渙

水又東逕銍縣。故城南。昔吳廣之起兵也。使葛嬰

下之。渙水又東苞水。注之。山譙城北。白白江陂。陂水

東流逕鄆縣。南又東逕鄆縣。故城南。漢志沛郡有鄆縣。又有鄆

縣。孟康曰鄆音多。漢景帝中元年封周應為侯國。王莽更

之曰單城也。音多。又東逕嵇山。北嵇氏故居。嵇本

姓奚。會稽人也。先人自會稽遷于譙之銍縣。改為

嵇氏。取稽字之上。以為姓。蓋志本也。嵇氏譜曰譙

有嵇山。家于其側。遂以為氏。縣魏黃初中。文帝以

鄆城父山桑銍置譙郡。故隸譙焉。苞水東流入渙

渙水又東南逕蘄縣故城南漢志蘄縣亦屬沛郡地理志曰

故壘鄉也漢高帝破黥布於此縣舊都尉治王莽

之蘄城也水上有古石梁處遺基尚存渙水又東

逕穀陽縣右會八丈故瀆瀆上承浚水南流注于

渙渙水又東逕穀陽戍南又東南逕穀陽故城東

北右與解水會水上承縣西南解塘東北流逕穀

陽城南即穀水也應劭曰城在穀水之陽又東北流注

于渙渙水又東南逕白石戍南逕城城南浚水注

之水首受蘄水於蘄縣東南流逕穀陽縣入丈故

瀆出焉又東合長直故溝溝上承蘄水南會于浚

浚水又東南流于浚縣故城北縣有垓一作垓下聚

漢高祖破項羽所在也王莽更名其縣曰有城

應劭曰浚水所出音絞經之絞也浚水又東南入

于淮故應劭曰浚水南入淮淮水又東至嶢石山

潼水注之水首受潼縣西南潼陂縣故臨淮郡之

屬縣王莽改曰成信矣南逕沛國夏丘縣絕蘄水逕

夏丘縣故城西王莽改曰歸思也又東南流逕臨

潼戍西又東南至嶢石西南入淮

淮水注又東逕浮山

山北對嶢石山梁氏天監中立堰於二山之間逆

水經注卷三十一 水經注卷三十一 水經注卷三十一

水亂流而

天地之心乖民神之望自然水潰淮矣

梁書康絢傳曰魏降

人王足陳計求堰淮水以灌壽陽高祖然之發徐揚人率二十戶取五丁以築之假絢節都督淮上諸軍事并護堰作人及戰士有衆二十萬於鍾離南起浮山北抵礮石依岸以築土合脊於中流天監十四年堰將合淮水漂疾復決潰用鐵數千萬斤沈于堰所伐樹爲井榦填以巨石加土其上士卒死者十七八明年四月堰乃成其長九里下闊百四十丈天監十五年九月淮堰壞死者十餘萬

淮水入注又東逕徐縣南歷澗水注之水

導徐城西北徐陂陂水南流絕蘄水逕歷澗水西

東南流注于淮

淮水入注又東池水注之

水出東城縣東北流逕東城縣故城南漢以數千

騎追羽帥二十八騎引東城因四隕山斬將而去

卽此處也大皇帝史記孝惠八年封淮南厲王子劉嬰爲

侯國孫云按史記孝文八年封淮南厲王地理志

王莽更名之曰武城也池水又東北流歷二山間

東北入于淮謂之池口也

淮水入注又東蘄水注之

水首受睢水於穀熟城東北東逕建城縣故城北

漢武帝元朔四年封長沙定王子劉拾爲侯國王

莽之多聚也蘄水又東南逕蘄縣疑脫縣有大澤

鄉陳涉起兵于此燔火為狐鳴處也南則浚水出焉
斬水又東南北八丈故溝出焉克家云當作八丈故瀆
又東流南北長直故瀆出焉又東入夏丘縣東絕
潼水逕夏丘縣故城北又東南逕潼縣南又東流
入徐縣東絕歷澗又東逕大徐縣故城南又東流
注于淮

淮水入注又東歷客山逕盱眙縣故城西

地理志曰都封治克家云木志作都尉治漢武帝元朔元年

封江都易王子劉蒙之為侯國王莽更名之曰

武淮水又東逕廣陵當作淮陽北臨泗水阻

于二水之間述征討治守治自後置戍縣亦

有時廢興也

又東北至下邳淮陰縣西從西北來流注之

淮泗之會即角城也左右兩川翼夾二水決入之

所謂泗口也

又東過淮陰縣北中瀆水出白馬湖東北注之

淮水右岸即淮陰也城西二里有公路浦昔袁術

向九江將東奔袁譚路出斯浦因以為名焉又東

逕淮陰縣故城北北臨淮水漢高帝六年封韓信

為侯國王莽之嘉信也昔韓信去下鄉而釣於此

處也城東有兩冢西者卽漂母冢也周廻數百步
高十餘丈昔漂母食信於淮陰信王下邳蓋投金
增陵以報母矣東一陵卽信母冢也縣有中瀆水
首受江于廣陵郡之江都縣縣城臨江應劭地理
風俗記曰縣爲一都之會故曰江都也縣有江水
祠俗謂之伍相廟也子胥但配食耳歲三祭與五
岳同舊水道也昔吳將伐齊北霸中國自廣陵城
東南築邗城城下掘深溝謂之韓江亦曰邗溟溝
按揚州志引水經注淮陰縣有自江東北通射陽
中瀆水謂之邗江亦曰韓溟溝
湖孫云按左傳吳地理志所謂水也地理志江
城邗溝通江淮

西北至末口淮自永和中江都水斷其水上承歐
陽引江入埭六十里至廣陵城楚漢之間爲東陽
郡高祖六年爲荊國十一年爲吳城卽吳王濞所
築也景帝四年更名江都武帝元狩三年更曰廣
陵王莽郡曰江平縣曰定安城東水上有梁謂之
洛橋中瀆水自廣陵北出武廣湖東陸陽湖西二
湖東西相直五里水出其間下注樊梁湖舊道東
北出至博芝射陽二湖西北出夾耶乃至山陽矣
至永和中患湖道多風陳敏因穿樊梁湖北口下
注津湖逕渡渡十二里方達北口直至夾耶興寧

中復以津湖多風又自湖之南北口沿東岸二十里穿渠入北口自後行者不復由湖故蔣濟三州論曰淮湖紆遠水陸異路山陽不通陳穿溝更鑿馬瀨百里渡湖者也自廣陸當作廣陵出山陽白馬湖逕山陽城西即射陽縣之故城也應劭曰在射水之陽漢高祖六年封楚左令尹項纏為侯國也王莽更之曰監淮亭世祖建武十五年封子荆為山陽公治此十七年為王國城本北中郎將庾希所鎮中瀆水又東謂之山陽浦又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義曰泗水國名漢武帝元鼎四年初置都郟四年常山憲王子思王商為國地理志曰王莽更泗水郡為順水陵縣為生漢地理志王莽改泗水國為水順改凌縣為生凌水注之水出凌縣東流逕其縣故城東而東南流注于淮疑曰口也應劭曰凌水出縣西南入淮即經所謂之小水者也

又東至廣陵淮浦縣入于海

應劭曰浦淮也蓋側淮瀆故受此名淮水出縣故

城王莽更名之曰淮敬淮水於縣枝分北為游水

歷胸縣與沐合又匡匡字譌未詳胸山西山側有胸縣

故城秦始皇三十五年於胸縣立石海上以為秦

之東門崔琰述初賦曰倚高艦以周眇兮觀秦門

之將將者也東北海中有大洲謂之郁洲山海經

所謂郁山在海中者也言是山自蒼梧徙此云山

上猶有南方草木今郁州治故崔季珪之敘述初

賦言郁洲者故蒼梧之山也心悅而惟之聞其上

有僊士石室也乃往觀所見一道人獨處休休

然不談不對顧非已及也即其賦所云吾夕行

濟于郁洲者也游水又北逕東海利城縣故城也

東故利鄉也漢武帝元朔四年封城陽共王子嬰

為侯國孫云按史記劉嬰封利鄉侯王莽更之曰流泉游水又

北歷羽山西地理志曰羽山在祝其縣東南

尚書曰堯時四岳得舜進十六族殛鯀于羽山

是為檣杵與驩兜三苗共工同其罪故世謂之四

凶鯀既死其神化為黃龍黃龍字誤晉語作黃龍

音釋云能乃來反字林云能足似鹿又為鼈類東海人祭禹廟不用熊白及鼈為膳汲冢晉春秋云

平公疾夢朱羅窺屏則又變能為羅矣入于羽淵是為夏郊三代祀

之故連山易曰有崇伯鯀伏于羽山之野者是也

游水又北逕祝其縣故城西春秋經書夏公會齊侯于夾谷夾谷在萊蕪左傳定公十年公及齊平會于祝其實

夾谷也服虔曰地二名王莽更之曰猶亭縣之東

有夾口浦游水左逕瑯琊計斤縣故城之西地理

志曰莒子始起于此後徙莒有鹽官故世謂之南

莒也游水又東北逕贛榆縣北東側巨海有秦始皇

皇碑在山上去海一百五十步潮水至加其上三

丈去則三尺所見東北傾石長一丈八尺廣五尺

厚三尺八寸一行一十二字游水又東北逕紀鄆

故城南春秋昭公十九年齊伐莒莒子奔紀鄆莒

之婦人怒莒子之害其夫老而託紡焉取其纒而

夜緹緹絕鼓譟城上人亦譟莒共公懼啓西門而

出齊遂入紀故紀子帛之國穀梁傳曰吾伯姬婦

謝云婦歸于紀者也杜預曰紀鄆地二名東海贛

榆縣東北有故紀城即此水也游水東北入海舊

吳之燕岱常泛巨海憚其濤險更泔湖是瀆由是

出地理志曰游水自淮浦北入海爾雅曰淮別為

游游水亦枝稱者也

出世聖志曰菑水自葦南其人感爾縣曰葦限焉
吳之燕台常云曰葦對其氣劍更公賦吳實由吳
餘東北有姑餘湖也水也菑水東北人感誓
攜云葦 龍于餘者也林所曰餘漳也二各東或葦
出齊葦人餘姑餘于帛之國葦采葦曰吾師也葦
葦餘餘餘葦葦土人亦葦葦其公對葦西門而
之葦人然葦于之害其夫夫而葦葦葦其葦而

水經注箋卷第三十一

漢 桑 欽撰

後魏 酈道元 注

明 李長庚訂

孫汝澄

朱謀埠箋

李克家全校

泄水

涓水

灑水

濯水

瀕水

漁水

湏水

泄水即汝水出南陽魯陽縣西之堯山

堯之末孫劉累以龍食帝孔甲孔甲又求之不得
累懼而遷于魯縣立堯祠於西山謂之堯山故張
衡南都賦曰奉先帝而追孝立唐祠於堯山堯山

在太和川太和城東北滻水出焉張衡南都賦曰
其川瀆則滻澧灤濇源巖穴布濩漫汗漭沆洋
溢總括急趣箭馳風疾者也滻水又歷太和川東
逕小和川又東溫泉水注之水出北山七泉奇發
炎熱特甚闕駟曰縣有湯水可以療疾矣湯側又
有寒泉焉地勢不殊而炎涼異致雖隆火盛日肅
若冰谷矣渾流同谿南流注滻水注又東逕胡木山
東流又會溫泉口水出北山阜炎勢奇毒痾疾之
徒無能澡其衝漂救養者白氏六帖作救養咸去湯十許
步別池然後可入湯側有石銘云皇女湯可以療

萬疾者也故杜彥達云然如沸湯可以熟米飯而

餽一作愈百病道士清身沐浴一日三飯餽一作多少

自在四十日後身中萬病愈三蟲死學道遭難逢

危終無悔心可以牢神存志即南都賦所謂湯谷

湧其後者也然宛縣有紫山山東有一水東西十

五里南北二百步湛然沖滿無所通會冬夏常溫

世亦謂之湯谷也盛弘之荊州記云南陽郡城北有紫山紫山東有一水無所會

通冬夏常溫非魯陽及南陽之縣故也張平子廣

言土地所苞明非此矣滻水又東房陽川水注之

水出南陽雒縣西房陽川北流注于滻滻水之北

有積石焉世謂女靈山其山平地介立不連岡以成高峻石孤峙不託勢以自遠四面壁絕極能靈舉遠望亭亭狀若單楹插霄矣北面有如頽落劣得道步當作通步好事者時有板陟耳泄水又與波水合水出霍陽西川大嶺東谷俗謂之歌馬嶺川曰廣陽川非也即應劭所謂孤山波水所出也馬融廣成頌曰浸以波澆其水又南逕蠻城下蓋蠻別邑也俗謂之麻城非也波水又南分三川於白亭東而俱南入泄水泄水自下兼波水之通稱也是故闕駟有東北至定陵入汝之文泄水又東逕魯

陽縣故城南城即劉累之故邑也有魯縣居其陽

故因名焉王莽之魯山也昔在於楚文子守之與

韓構難戰有返景之誠淮南子云魯陽公與韓邁難戰酣日暮援戈而麾之

日為之反三舍內有南陽都鄉正衛為碑泄水右合魯陽

關水水出魯陽關外分頭山橫嶺下夾谷東北出

入泄泄水又東北合牛蘭水水發縣北牛蘭山東

南逕魯陽城東水側有漢陽侯焦立碑牛蘭水又

東南與栢樹谿水合水出魯山北峽谷中東南流

逕魯山西而南合牛蘭水又東南逕魯山南闕駟

曰魯陽縣今其地魯山是也水南注于泄泄水東

逕應城南故應鄉也。應侯之國。詩所謂應侯順德者也。彭水注之俗謂之小滄水。水出魯陽縣南彭山蟻塢東麓北流。逕彭山西。下有彭山廟。廟前有彭山碑。漢桓帝元嘉三年杜仲長立。彭水逕其西北。漢安邑長尹儉墓。東冢西有石廟。廟前有兩石闕。闕東有碑。闕南有二獅子相對。南有石碣二枚。石柱西南有兩石羊。中平四年立。彭水又東北流直應城南而入滄滄水。又左合橋水。水出魯陽縣北。特東味本作地。東南逕應山地。又南逕應城西。地理志曰故父城縣之應鄉也。周武王封其弟為侯。

國應劭曰韓詩外傳稱周成王與弟戲以桐葉為圭曰吾以封汝。周公曰天子無戲言。王乃應時而封。故曰應侯鄉。亦曰應鄉。按呂氏春秋云成王以桐葉為圭封叔虞。非應侯也。汲郡古文殷時已有應國。非成王矣。戰國范雎所封邑也。謂之應水。滄水又東逕雙縣故城北。左傳昭公元年冬楚公子圍使伯州犁城犇是也。出于魚齒山下。春秋襄公十八年楚伐鄭次于魚陵。涉於魚齒之下。甚雨楚師多凍。徒役幾盡。晉人聞有楚師。師曠曰不害。吾驟歌北風。又歌南風。南風不競。多死聲。楚必無功。

矣所涉卽渚水也水南有漢中常侍長樂太僕吉侯苞冢冢前有碑墓西枕岡城開四門門有兩石獸墳傾墓毀碑獸淪移人有掘出一獸猶全不破甚高壯頭去地減一丈許作制甚工左膊上刻作辟邪字門表壘上起石橋歷時不毀其碑云六帝四后是謫是誼蓋仕自安帝没于桓后于時閹閹擅權五侯暴世割剥公私以事生歿夫封者表有德碑者頌有功自非此徒何用許爲石至于春不若速朽苞墓萬古祇彰諛辱嗚呼愚亦甚矣渚水又東雙水注之俗謂之秋水非也水有二源東源

出其縣西南踐犢山東崖下水方五十許步不測其溪東北流逕雙縣南又東北屈逕其縣東而北合西瀛水西源出縣西南頗山北阜下東北逕雙城西又屈逕其縣北東合二水亂流北注于渚漢高祖入關破南陽太守呂齮於雙東太守呂齮事出荀悅漢紀卽於是地渚水之陰也渚水又東南逕昆陽縣故城地昔漢光武與王尋王邑戰於昆陽敗之走者相騰踐奔殪百餘里會大雨如注渚川盛溢虎豹皆股戰士卒爭赴溺死者以萬數水爲不流王邑嚴尤陳茂輕騎皆乘尸而渡矣

東北過潁川定陵縣西北又東過颍縣南東入于汝
澠水東逕西不羹亭南亭北背汝水於定陵城北

東入汝颍縣在南不得過孫云堰字誤按漢志潁川郡有鄆縣

清水出弘農盧氏縣攻離山東南過南陽西鄂縣西

北又東過宛縣南孫按山海經云支離之山清水出焉南流注于漢注云今清水出鄆

縣西北山中

清水導源東流逕鄆縣故城北郭仲產曰鄆縣故

城南在攻離山東鄆舊縣也三倉曰樊鄆鄆有

二城北鄆也漢祖入關下浙鄆卽此縣也清水又

東南流雒縣之雒衡山東逕百章郭北又東魯陽

關水注之水出魯陽雒水嶺南水自嶺南流

北水從嶺北注故世俗謂此嶺為分頭也其水南

流逕魯陽關左右連山插漢秀木干雲是以張景

陽詩云朝登魯陽關峽路峭且深亦司馬芝與母

遇賊處也魏志司馬芝字子華河內滎人也少爲書生避亂荊州於魯陽山遇賊同行者

皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂

得免官至關水歷雒衡山西南逕皇后城西建武

元年世祖遣侍中傅俊持節迎光烈皇后於清陽

俊發兵三百餘人宿衛皇后道路歸京師蓋稅舍

所在故城得其名矣山有石室甚飾潔相傳名皇

后浴室又所幸也關水又西南逕雒縣故城南昔秦文公之世有陽伯者逢二童曰晉曰被兩童二

雒也得雌者霸雄者王二童翻飛化為雙雒光武

獲雒於此山以為中興之祥故置縣以名焉按列異傳

云陳倉人得異物獻之道遇二童子云此名為媚在地下食死人腦媚乃言彼二童子名陳實得雒

者王得雌者霸乃逐童子化為雒秦穆公大獵果獲其雌搜神記所引正同但云其雒者飛至南陽

秦表其地為雒縣後光武起於南陽此注晉曰以下似有缺文關水又屈而東南

流注于涇涇水又東南流逕博望縣西北故城東

郭仲產曰郡東北一百二十里漢武帝置校尉張

騫隨大將軍衛青西征為軍前導相望水草得以

不乏元光六年封騫為侯國地理志曰南陽有

縣王莽改之曰宜樂也涇水又東南逕西鄂故城

東應劭曰江夏有鄂故加西也昔劉表之攻杜子

緒於西鄂也功曹伯孝長聞戰鼓之音懼而閉戶

蒙被自覆漸登城而觀言勇可習也九州春秋曰劉表攻西州

州長杜子緒守拒時柏季長在城中聞兵勢恐入室牽被覆頭攻半日稍出涇水又南涇水注之水

出問消息三四日負楯親涇水又南涇水注之水

出弘農郡盧氏縣之熊耳山東南逕酈縣北東南

逕房陽城北漢哀帝四年封南陽太守孫寵為侯

國俗謂之房陽川又逕西鄂縣南水北有張平子

墓墓之東側墳有平子碑文字悉是古文篆額是
 崔瑗之辭盛弘之郭仲產並云夏侯孝若為郡薄
 其文復刊碑陰為銘然碑陰二銘乃是崔子玉及
 陳翕耳而非孝若悉是隸字二首並存嘗無毀壞
 又言墓次有二碑今唯見一碑或是余夏逕驛途
 疲而莫究矣水南道側有二石樓相去六七丈雙
 跂齊竦高可丈七八柱圓圍二丈有餘石質青綠
 光可以鑒其上變樞承拱魏都賦云變樞疊施雕簷四柱窮
 巧綺刻妙絕人工題言蜀郡太守姓王字子雅南
 陽西鄂人有三女無男而家累千金父沒當葬女

自相謂曰先君生我姊妹無男兄弟今當安神玄
 宅翳靈后土冥冥絕後何以彰吾君之德各出錢
 五百萬一女築墓二女建樓以表孝思銘云墓樓
 東平林不近墳墓而不能測其處所矣洱水又東
 南流注于清水世謂之肄洱聲相近非也地理志
 曰熊耳之山出三水洱水其一焉東南至魯陽入
 沔是也清水又南逕預山東山上有神廟俗名之
 為獨山也山南有魏車騎將軍黃權夫妻二冢地
 道潛通其冢前有四碑其二魏明帝立二是其子
 及臣吏所樹者也清水又西南逕史定伯碑南又

西為瓜里津水上有三梁謂之瓜里渡自宛道途東出赭陽西道方城建武三年世祖自赭陽西入

破虜將軍劉奉

後漢書作鄧奉

怨漢掠新野拒瓜里上親

搏戰降之夕陽下遂斬奉郡國志所謂宛有瓜里

野津夕陽聚者也阻橋即桓溫故壘處溫以升平

五年與范汪眾軍北討列營涪水

按晉書穆帝本紀桓溫遣諸將

討河北在永和五年而范汪傳云桓溫北伐令汪率文武出梁國以失期免為庶人卒于家本紀范

汪之廢則在升平三年與此注互異

又西南逕晉蜀郡太守鄧義山

墓南又南逕宛城東其地故申伯之國楚文王滅

申以為縣也秦昭襄王使白起為將伐楚取郢都

以此地為南陽郡改縣曰宛王莽更名郡曰前隊

縣曰南陽劉善曰在中國之南而居陽地故以為

名大城西南隅即古宛城也荆州刺史治故亦謂

之荆州城今南陽郡治大城其東城城內有舊殿

基周二百步高八尺陛階皆砌以青石大城西北

隅有基周一百步高五丈蓋更始所起也城西三

里有古臺高三丈餘文帝黃初中南巡行所築也

涪水又屈而逕其縣南故南都賦所言涪水蕩其

胃者也王莽地皇二年朱鮪等共於城南會諸將

設壇燔燎立聖公為天子於斯水上世語曰張繡

反公與戰敗于昂不能騎進馬於公而昂遇害魏志

豐愍王昂字子脩弱冠舉孝廉隨太祖南征為張繡所害魏書曰公征至宛臨

清水祠亡將士歔歔流涕眾皆哀慟清水又南梅

谿水注之水出縣北紫山南逕百里奚故宅奚宛

人也於秦為賢大夫所謂迷虞智秦者也紫谿又

逕宛西呂城東史記曰呂尚先祖為四嶽佐禹治

水有功虞夏之際受封於呂故因氏為呂尚也徐

廣史記音義曰呂在宛縣高后四年封昆弟子呂

恕為呂城侯疑即此也孫按史記呂后紀四年封呂愾為呂城侯正義曰故

呂城在鄧州南陽縣西三十里呂尚先祖封又按新蔡縣有大呂小呂

亭而未知所是也梅谿又南逕杜衍縣東故城在

西案漢高帝七年封郎中王翳為侯國王莽更之

曰閭衍矣土地墊下湍谿是注古人於安眾場之

今遊水是瀦謂之安眾港世祖建武三年上自宛

遣潁陽侯祭遵西擊鄧奉弟終破之於杜衍進兵

涅陽者也梅谿又南謂之石橋水又謂之汝谿

流而左注清水清水之南又有南就聚郡國志所

謂南陽宛縣有南就聚者也郭仲產言宛城南三

十里有一城甚卑小相承名三公城漢時鄧禹等

歸鄉餞離處也盛弘之著荊州記以為三公置余

按清水左右舊有二澁所謂南澁北澁者水側之
 澁聚在清陽之東北考古推地則近矣城側有范
 蠡祠蠡宛人祠即故宅也後漢末有范曾字子閔
 為大將軍司馬討黃巾賊至此祠為蠡立碑文勒
 可尋夏侯湛之為南陽又為立廟焉城東有大將
 軍何進故宅城西有孔嵩舊居嵩字仲山宛人與
 山陽范式有斷金契貧無養親賃為阿街卒遣迎
 式式下車把臂曰子懷道卒伍不亦痛乎嵩曰侯
 嬴賤役晨門卑下之位古人所不恥何痛之有故
 其讚曰仲山通達卷舒無方屈身廝役挺秀含芳

南澁清陽縣東

清水又南入縣逕小長安司馬彪郡國志曰縣有
 小長安聚謝沈漢書稱光武攻清陽不下引兵欲
 攻宛至小長安與甄阜戰敗於此清水又西南逕
 其縣故城南桓帝延熹七年封鄧縣為侯國縣故
 南陽典農治後以為清陽郡省郡復縣避晉簡文
 諱更名云陽焉清水又逕安樂郡北漢桓帝建和
 六年封司徒胡廣為清陽縣安樂鄉侯今於其國
 立樂宅成郭仲產襄陽記曰南陽城南九十里有
 晉尚書令樂廣故宅廣字彥輔也善清言見重當

時成都王廣女婿長沙王猜之廣曰寧以一女而
易五男猶疑之終以憂殞其故居今置戍因以為
名

又南過新野縣西此下原有廿二字重出今刪去

清水又南入新野縣枝津分派東南出荀隰衍注

左積為陂東西九里南北一十五里陂水所溉咸

為良沃清水又南與湍水會又南逕新野縣故城

西世祖之敗小長安也姊元遇害上即位感悼姊

沒追謚元為新野節義長公主即此邑也晉咸寧

二年封大司馬扶風武王少子歆為新野郡公割

南陽伍屬陽蔡陽穰鄧山都封王按晉書新

野莊王傳云歆字弘舒太康中封新野縣公邑千

八百戶惠帝本紀云永寧元年三月齊王冏起兵

討趙王倫而新野公歆皆舉兵應之四月倫伏誅

明年為太安元年十二月成都王穎新野王歆同

會洛陽請廢冏還第知歆進封為新野王在

趙王倫伏誅之後也此注斷脫聊後備記之文舒

更立中隔西即郡治東則民居城西傍清水又東

與朝水合水出西北赤石山而東南逕冠軍縣界

地名沙渠又東南逕穰縣故城南楚別邑也秦拔
鄢郢即以為縣秦昭王封相魏冉為侯邑王莽更
名曰豐穰也魏荊州刺史治朝水又東南分為二
水一水枝分東北為樊氏陂陂東西十里南北五

里俗謂之凡亭陂陂東有樊氏故宅樊氏既滅庾氏取其陂故諺曰陂汪汪下田良樊子失業庾公

昌後漢書注引此昔在晉世杜預繼信臣之業復作樊氏失業

六門陂遇六門之水下結二十九陂諸陂散流

咸入朝水事見六門碑六門既陂諸陂遂斷朝水

又東逕朝陽縣故城北而東南注于洧水音又東南

與棘水合水上承赭水赭水出棘陽縣北數源並

發南流逕小赭鄉謂之小赭水世祖建武三年成

安侯臧宮從上擊赭也補者東源方七八步騰湧若沸

故世名之騰沸水南流逕平赭鄉謂之赭水建武

二年祭遵引兵南擊董訢於赭鄉以水氏縣故有

赭陽之名也地理志曰縣有赭水王莽曰陽城也

漢哀帝改爲順陽建武二年更封安陽侯朱祐爲

赭陽侯赭水縣竭以爲陂東西夾岡水相去五六

里古今斷岡兩舌都水潭漲孫云古今斷岡兩舌當作左右斷岡兩舌

都水當作潞水岡外下垂陂陀而出者謂之舌蓋削去陂陀之土接水連岡築堤潞水以成潭漲也

南北一十餘里水決南瀆下注爲灣灣分爲二西

爲赭水東爲榮源赭水參差流結兩湖故有東陂

西陂之名二陂所導俱水枝分東南至會口入洧

是以地理志云洧水赭水皆言入蔡互受通稱故

也二湖流注合為黃水謂所受焉逕棘陽縣之黃
 淳聚又謂之為黃淳水者也故謝沈漢書甄阜等
 敗光武于小長安東乘勝南渡黃淳水前營誓阻
 兩川謂臨澧水絕後橋示無還心漢兵擊之三軍
 潰溺死黃淳水者二萬人又南逕棘陽縣故城西
 應劭曰縣在棘之陽是知斯水為棘水也漢高帝
 七年封蒞得臣為侯國孫云按史記年表棘陽莊侯杜計臣後漢兵
 起擊唐子鄉一作殺湖陽尉進拔棘陽鄧晨將賓
 客會光武于此縣也棘水又南逕新野縣歷黃郵
 聚世祖建武三年傅俊岑彭進擊秦豐先拔黃郵

者也謂之黃郵水大司馬吳漢破秦豐於斯水之
 上其聚落悉為蠻居猶名之為黃郵蠻棘水自新
 野縣東而南流入于涓水謂之為力口也棘力聲
 相近當為棘口也又是方俗之音故字從讀變若
 世以棘子木為力子之木也舊本誤以灑水東比流枝瀆右出殺入此
注今據宋本改正涓水又東南逕士林東戍名也戍有邸
 閣水左有豫章大陂下灌良疇三千許頃也

南過鄧縣東南入于沔

縣故鄧侯吾離之國也楚文王滅之秦以為縣清
 水右合濁水俗謂之弱溝水上承白水於朝陽縣

東南流逕鄧縣故城南習鑿齒襄陽記曰楚王至鄧之濁水去襄陽二十里卽此水也濁水又東逕鄧塞者卽鄧城東南小山也考後名之爲鄧塞昔孫文臺破黃祖於其下濁水東流注于涪涪水又南逕鄧塞東又逕鄆城東古鄆子國也蓋鄧之南鄙也昔巴子請楚與鄧爲好鄆人奪其幣卽是邑也司馬彪以爲鄧之鄆聚矣

灑水出灑強縣南澤中東入潁

灑水出潁川陽城縣少室山東流注于潁水而亂流東南逕臨潁縣西北小灑水出焉東逕臨潁縣

故城北灑水又東逕灑陽城北又東逕灑強縣故城南建武元年世祖封楊化將軍堅鐔爲侯國灑水東爲陶樞陂余案灑陽城在灑水南然則此城正應爲灑陰城而有灑陽之名者明在南猶有灑水故此城以陽爲名矣潁水之南有二瀆其南瀆東南流有歷臨潁亭西東南入汝今無水也疑卽灑水之故瀆矣汝水於竒頡城西別東派時人謂之灑水東北流枝瀆右出世謂之汝汝也別汝又東北逕召陵城北練溝出焉別汝又東汾溝出焉別汝又東逕征羌城北水南有汾陂俗音糞汾水

自別汝東注而為此陂水積征羌城北四五里方三十里許瀆左合小瀝水水上承狼陂南流名曰鞏水清陵陂水自陂東注之東迴又謂之小瀝水而南流注于大瀝水大瀝水取稱蓋藉瀝汾注而惣受巨宋本日矣又東逕西華縣故城南又東逕汝陽縣故城北東注于潁

濯水出汝南吳房縣西北興山東過其縣北入于汝縣西北有堂谿城故房子國春秋定公五年吳王闔閭弟夫概奔楚封之於堂谿故曰吳房也漢高帝八年封莊侯楊武為侯國建武中世祖封泗水

王欽子燁為堂谿侯

後漢書泗水王劉欽字經孫光武族父也建武二年立欽

為泗水王十年封小子燁為堂谿侯

山谿有白羊淵淵水舊出山羊

克家云當作白羊

漢武帝元封二年白羊出此淵畜牧者

禱祀之俗禁拍手嘗有羊出水野母驚怕自此絕焉淵水下合濯水濯水東逕濯陽縣故城西東流入瀧水亂流逕其縣南世祖建武元年封吳漢孫且為侯國其水又東入于汝水

瀧水出滎陰縣東上界山

山海經謂之視水也郭景純注或曰視宜為瀧出歲山許慎云出中陽山皆山之殊目也而東與此

水合水出無陰縣草山味本作東北流注瀕瀕水

又東北殺水出西南大孰舊本作之山東北流入

于瀕瀕水又東淪水注之水出宣山南東流注瀕

水孫云山海經出宣瀕水又東得奧水口水西出

奧山東入于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北即兩川

之交會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東流于滎孫按山海經東

南流注于滎經書扶予者其山之異名乎滎水上承赭

水東流左與西遼水合又東東遼水注之俱導北

山而南流注于滎滎水又東北於無陰縣北左會

無水之水道稍西不出其縣南其故城在山之陽漢

光武建武中封岑彭為侯國漢以為陽山縣魏武

與張繡戰于宛馬名絕景為流矢所中公傷右臂

引還無陰即是地也城之東有馬仁陂郭仲產曰

陂在比泚陽縣西五十里蓋地百頃其所周漑出萬頃

隨年變種境無儉歲陂水三周其隍故瀆自隍西

南而會於**泚**。漁水不得復逕其南也。且邑號漁陰，故無出南之理。出南則為陽也，非直不究又不思矣。

漁水又東北，**澧**水注之。水出雉衡東，山南逕建

城東。孫按漢書地理志南陽郡雉縣注云：衡山澧水所出，東至鄧入汝。此河水誤當作澧水。

建當為卷字讀誤耳。郡國志云：葉縣有卷城，其水

又東流入于漁。漁水東北逕于東，山西西流入漁。

漁水之左，即黃城山也。水出黃城山東北，逕方城

郡。國志曰：葉縣有方城，郭仲產曰：苦萊于東之間

有小城，名方城。東臨谿水，尋此城致號之。由當因

山以表名也。苦萊，即黃城也。及于東，通為方城矣。

世謂之方城，山水東流，注漁水，故**地理志**曰：南陽

葉方城，邑西有黃城山，是長沮桀溺耦耕之所有

東流水，則子路問津處。尸子曰：楚狂接輿耕於方

城，蓋於此也。盛弘之云：葉東界有故城，始犇縣東

至瀕水，達當作此陽界，南北聯絡數百里。御覽玉海及舊

本皆作聯聯數百號為方城，一謂之長城，云酈縣

有故城，一曰未詳里數，號為長城，即此城之西隅

其間相去六里。御覽及宋本俱若南北雖無基築

皆連山相接，而漢水流其南，故屈完答齊桓公云：

楚國方城以為城，漢水以為池。郡國志曰：葉縣有

長城曰方城。指此城也。澠水又東北歷舞陽縣故城。南漢高祖元年按時表是六年封樊噲為侯國也。

又東過西平縣北

縣故栢國也。春秋左傳所謂江黃道栢方睦於齊也。漢曰西平其西呂墟即西陵亭也。西陵平夷故曰西平。漢宣帝甘露三年封丞相于定國為侯國。王莽更之曰新亭。晉太康地理志曰縣有龍泉水可以砥礪刀劍特堅利故有堅白之論矣。是以龍泉之劍為楚寶也。縣出名金古有鐵官。

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣

順帝建元延熹中以陽翟郭鎮之為尚書令封定潁侯即此

邑也

澠水出蔡陽縣

澠水出縣東南大洪山山在隨郡之西南竟陵之

東北槃基所跨廣圓一百餘里峰曰縣鈞處平縣

眾阜之中為諸嶺之秀山下有石門夾鄆層峻巖

高皆數百許仞入石門又得鍾乳穴穴上素崖壁

立非人跡所及穴中多鍾乳凝膏下垂望齊冰雪
微津細液滴瀝不斷幽穴潛遠行者不極窮深而

穴內常有風熱舊本作穴內常有風勢吳本改作風熱 ①無能 ②經

久故也澗水出于其陰初流淺狹遠乃廣厚可以

浮舟楫巨川矣時人以澗水所導故亦謂之為澗

山矣澗水東北流合石水石水出大洪山東北流

注于澗謂之小澗水而亂流東北逕上唐縣故城

南本蔡陽之上唐鄉舊唐侯國春秋定公三年唐

成公如楚有兩肅霜馬子常欲之弗與止之三年

唐人竊馬而獻之子常歸唐侯是也澗水又東均

水注之水出洪山東北流逕土山北 ③ ④ ⑤ ⑥ ⑦ ⑧ ⑨ ⑩ ⑪ ⑫ ⑬ ⑭ ⑮ ⑯ ⑰ ⑱ ⑲ ⑳ ㉑ ㉒ ㉓ ㉔ ㉕ ㉖ ㉗ ㉘ ㉙ ㉚ ㉛ ㉜ ㉝ ㉞ ㉟ ㊱ ㊲ ㊳ ㊴ ㊵ ㊶ ㊷ ㊸ ㊹ ㊺ ㊻ ㊼ ㊽ ㊾ ㊿

誤 ③ ④ ⑤ ⑥ ⑦ ⑧ ⑨ ⑩ ⑪ ⑫ ⑬ ⑭ ⑮ ⑯ ⑰ ⑱ ⑲ ⑳ ㉑ ㉒ ㉓ ㉔ ㉕ ㉖ ㉗ ㉘ ㉙ ㉚ ㉛ ㉜ ㉝ ㉞ ㉟ ㊱ ㊲ ㊳ ㊴ ㊵ ㊶ ㊷ ㊸ ㊹ ㊺ ㊻ ㊼ ㊽ ㊾ ㊿

東南逕隨縣西

縣故隨國矣春秋左傳所謂漢東之國隨孫云左傳作隨

為大者也楚滅之以為縣晉武帝太康中立為郡有

澇水出縣西北黃山南逕瀨西縣西又東南瀨水

入焉瀨水出桐栢山之陽呂忱曰水在義陽瀨水

東南逕瀨西縣西又東南流于澇澇水又東南逕

隨縣故城西春秋魯莊公四年楚武王伐隨令孫

左傳作鬬祁莫敖屈重除道梁澇軍臨于隨謂此

水也水側有斷蛇丘隨侯出而見大蛇中斷因舉而藥之故謂之斷蛇丘後蛇銜明珠報德世謂之

隨侯珠亦曰靈蛇珠高誘淮南子注云隨侯見大蛇傷斷以藥傅而塗之後蛇

於大江中銜珠以報之因曰隨侯之珠丘南有隨

季良左傳作季梁大夫池其水又南與義井水合水出

隨城東南井泉嘗湧溢而津津注冬夏不異相承謂

之義井下流合澁澁水又南流注于澗澗水又會

中支水水源亦出大洪山而東流注于澗澗水又

逕隨縣南隨城山北而東南注

又南過江夏安陸縣西

水經注出隨郡永陽縣東石龍山西北流南

逕逕永陽縣西歷橫尾山即禹貢之陪尾山也

水又西南至安陸縣故城西故鄖城也因岡為壟

峻不假築澗水又南逕石巖山北昔張昌作亂於

其下籠彩鳳以惑衆晉太安二年鎮南將軍劉弘

遣牙門皮初與張昌戰於清水昌敗追斬於江夏

舊本作斬於江夏吳本改作斬於江夏按晉書劉弘傳云追斬張昌于下雋山即春秋

左傳定公四年吳敗楚于柏舉從之及于清發蓋

澗水又東南流而右會富水出竟陵郡新市縣東

北大陽山水有二源也大富水出山之陽南流而

左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大富水俗謂之大泌水也又西南流逕杜城西漢志江夏郡有雲杜縣杜城疑誤新市縣治也郡國志以為南新市也中山有新市故此加南分安陸立縣又王匡中興初舉兵於縣號曰新市兵者也富水又東南流於安陸界左合土山水世謂之章水水出土山南逕隨郡平林縣故城西俗謂之將陂城與新市接界故中興之始兵有新市平林之號又南流右入

富水富水又東入于澗澗水又逕新城南永和五年晉大司馬桓溫築澗水又會溫水溫水出竟陵之新陽縣東澤中口徑二丈五尺垠岸重沙端淨可愛靖以察之則淵泉如鏡聞人聲則揚湯奮發無所復見矣其熱可以燂雞洪瀏百餘步冷若寒泉東南流注于澗水又右得潼水水出江夏郡之曲陵縣西北潼山東南流逕其縣南縣治石潼故城城圓而不方東入安陸注于澗水

又東南入于夏

澗水又南分為二水東通澗水西入于沔謂之澗

口也

水經注箋卷第三十二

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

涿水

蘄水

決水

泚水

泄水

肥水

施水

沮水

漳水

夏水

羌水

涪水

潼水

涪水

涿水出江夏平春縣西

涿水北出大義山南至厲鄉西賜水入焉水源東

出大紫山分爲二水一水西逕厲鄉南水南有重山即烈山也山下有一穴父老相傳云是神農所生處也故禮謂之烈山氏水北有九井子書所謂神農既誕九井自穿謂斯水也盛弘之荊州記云北重壘周之廣一項二神農九井在厲山十畝內有地云神農宅又言汲一井則衆水動井今堙塞遺迹髣髴存焉亦云鄉故賴國也有神農社賜水西南流入于涿即厲水也賜厲聲相近宜爲厲水矣一水出義鄉西南入隨又注涿涿水又南逕隨縣注安陸也

南過安陸入于涿

蘄水出江夏蘄春縣北山

山即近柳也宋本作蘄柳也水首受希水枝津西南流歷

蘄山出蠻中故以此蠻爲五水蠻水五即謂巴水也象

又赤亭水西歸水水具一焉左馮屈屈藉山川世爲抄暴

宋世沈慶之於西陽上下誅伐蠻夷即五水蠻也

南過其縣西

晉改爲蘄陽縣縣從江州置大陽戍後齊安郡移治於此也

又南至蘄口南入于江

蘄水南對蘄陽州入于大江謂蘄口洲上有蘄陽

縣徙

決水出廬江雩婁縣南大別山

俗名之為檀山峴蓋大別之異名也其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及雩婁聞吳有備而還是也晉書地道記云在

安豐縣之西南即其界也故地理志曰決水出雩

孫云當作決水出雩婁

又北過安豐縣東

決水自雩婁縣北逕雞備亭春秋昭公二十三年

吳敗諸侯之師于雞父者也安豐縣故城今邊城

郡治也王莽之美鳳也世祖建武八年封大將軍

涼州牧竇融為侯國晉立安豐郡決水自縣西北

流逕蓼縣故城東又逕其北漢高帝六年封孔藋

為侯國也史記功臣表高帝六年封孔藋為蓼侯漢書功臣表作孔藋世謂之

決水也水又西北灌水注之其水導源廬江金蘭

縣西北東陵鄉大蘇山即注水也孫云當許慎曰

出雩婁縣俗謂之澮水也楮先生所謂神龜出于

江灌之間嘉林之中蓋謂此水也今龜筮傳云神龜出于江淮之

間嘉林之中此注作江灌蓋所見之本各異耳灌東北逕蓼縣故城西

而北注泱水也故地理志曰泱水北注蓼入灌灌

水於蓼亦入決孫按漢地理志云泱水北至蓼入決春

秋宣公八年冬楚公子滅舒蓼臧文仲聞之曰臯

陶庭堅不祀忽諸德之不逮民之無援哀哉按左傳文

公五年冬楚公子燹滅蓼臧文仲聞之有臯陶庭堅不祀之歎至宣公八年夏楚人滅舒蓼自是兩

事決水又北右會陽泉水水受決水東北流逕陽

泉縣故城東故陽泉鄉也漢靈帝中封大尉黃琬

為侯國又西北流左入決水謂之陽泉石也當作陽泉

口

又北入于淮

俗謂之海口非也斯決灌之口矣余往因公至于

淮津舟車所屈次于決水訪其民宰與古名全違

脉水尋經方知決水宋本作決蓋灌澮聲相倫習俗

害真耳

泱水出廬江濳縣西南霍山東北

濳者山水名也開山圖濳山圍繞大山為霍山爾雅

大山宮小山曰霍郭注云宮謂圍繞之郭景純曰濳水出焉縣即其

稱矣春秋昭公二十七年吳因楚喪圍濳是也地

理志曰泱水出泱山不言霍山泱字或作泔水孫云

按漢志泚山泚水所出北至壽春入芍陂師古曰泚音比又音布几反

又東北逕博

安縣泄水出焉

東北過六縣東

潁水東北右會踰鼓川水水出東南踰川西北流

左注潁水潁水又西北逕馬亭城西味本作又西

北逕六安縣故城西縣故咎陶國也夏禹封其少

子奉其祀今縣都陂中有大冢民傳曰公琴者即

臯陶冢也楚人謂冢為琴矣漢高帝元年別為衡

山國五年屬淮南文帝十六年復為衡山國武帝

元狩二年別為六安國王莽之安風也漢書所謂

以舒屠六晉太康三年廬江郡治潁水又西北分

為二水出焉又北逕五門亭西西北流逕安豐縣

故城西晉書地道記安豐郡之屬縣也俗名之曰

安城矣又北會濡水亂流西北注也

北入于淮

水之決會謂之泚口也

泄水出博安縣

博安縣地理志之博鄉縣也王莽以為揚陸矣泄

水自縣上承泚水於麻步川西北歷山濡谿謂之

濡水也

北過芍陂西與泚水合

泄水自濡谿宋本作濡谿口安豐縣北流注于潁一謂

之其濡口

西北入于淮

亂流同國也味本作同歸也

肥水出九江成德縣廣陽鄉西

呂忱字林曰肥水出良餘山俗謂之連枷山亦或

以為獨山也北流分為二水施水出焉肥水又北

逕蕪城東又北逕荻丘東右會宋本作右會施水枝津

首受施水於合肥縣城東西流逕成德縣注于肥

水也

肥水別北過其縣西北入芍陂

肥水自荻丘北逕成德縣故城西王莽更之曰平

阿也又北逕芍陂東又北逕死馬塘東芍陂瀆上

承音門音與芍陂更相通注故經言入芍陂矣肥水

東北又合閭濶水謝據宋本作肥水上承施水於

合肥縣北流逕復道縣西水積為陽湖陽湖水自

塘西北逕死馬亭南夾橫塘西注宋太始初豫州

司馬劉順帥眾八千據其城地以拒劉劭杜叔寶

以精兵五千送糧死劉劭破之此塘宋書嚴琰傳云晉安

王子勛及殷琰佐之宋太宗遣劉勛討之劉勛柳
 倫等馬步八千東據宛唐去壽陽三百里勛率眾
 軍去順數里而營順等糧盡趙叔寶發車千五百
 乘載米餉順自以五千精兵防送之勛遣呂安國
 黃回將精兵間路出順後於橫塘之合戰大破
 之燒其米車驅牛二千餘頭而還順眾夜潰奔壽
 陽

水分為澗二洛澗出焉閭漿水注之水受芍陂
 陂水上承澗水於五門亭南別為斷神水又東北
 逕五門亭東亭為眾水之會也宋本作二水之會斷神水

又東北逕神迹亭東又北謂之豪水雖廣異名事
 實一水又東北逕白芍亭東積而為湖謂之芍陂

陂周一百二十許里在壽春縣南八十里言楚相
 孫叔敖所造魏太尉王陵與吳將張休女戰於芍

陂即此處也陂有五門吐納川流西北為香門陂
 水北逕孫叔敖祠下謂之芍陂瀆又北分為二水

一水東注黎漿水黎漿水東逕黎漿亭南文欽之叛
 吳軍北入諸葛緒拒之於黎漿即此水也魏志諸葛緒在

壽春被徵為司空遂舉兵反殺揚州刺史樂綝遣人至吳求救吳遣全懌等與文欽俱來吳將朱異以誕被圍再以大衆來迎誕等渡黎漿水此云諸葛緒拒之於黎漿所未詳也東注肥水

謂之黎漿水口
 又北過壽春縣東

肥水自黎漿北逕壽春縣故城東為長瀨津津側
 有謝堂北亭迎送所薄水陸舟車是焉萃止又西

北左合東谿谿水引瀆北出西南流逕導公寺西寺側因谿建刹五層屋宇閒敞崇虛携覺也携覺字誤

當作又西南流注于肥肥水又西逕東臺下臺即

壽春外郭東北隅阿之榭也東側有一湖三春九

夏紅荷覆水引瀆城隍水積成潭謂之東臺湖亦

肥南播也肥水西逕壽春縣城北右合北谿水導

北山泉源下注漱石頽隍水上長林插天高柯負

日出於山林精舍右山淵寺左道俗嬉遊多萃其

下內外引汲泉同七淨谿水公注西南逕陸道士

解南精廬臨側川谿大不為廣小足閒居亦勝境

也谿水流注于肥水

北入于淮

肥水又西分為二水右即肥之故瀆過為船官湖

以置舟艦也肥水左瀆又西石橋門北亦曰草市

門外有石梁渡此洲洲本州洲上有西昌寺寺三

面阻水佛堂設三像真容妙相相精精舊本作相服精

是蕭武帝所立也寺西即船官坊倉都水都水記

齊世家云蒼君兒蒼君兒撥爾舟楫王是營是作湖北

對八公山山無樹木唯重阜耳阜本阜山上有淮

南王劉安廟劉安是漢高帝之孫厲王長子也折

節下士篤好儒學養方術之徒數十人皆爲俊異
焉多神仙祕法鴻寶之道忽有八公皆鬚眉皓素
詣門希見門者曰吾王好長生今先生無住衰之
術未敢相聞八公咸變成童王甚敬之八士並能
鍊金化丹出入無間乃與安登山埋金於地白日
昇天餘藥在器雞犬舐之者俱得上昇其所昇之
處踐石皆陷人馬跡存焉故山卽以八公爲目余
登其上人馬之跡無聞矣唯廟像存焉廟中圖安
及八士像皆坐牀帳如平生被服纖麗威羽扇裙
帔巾壺枕物一如常居廟前有碑齊永明十年所

建也山有隱室石井卽崔琰所謂余下壽春登北
嶺淮南之道室八公石井在焉亦云左吳與王春
傅生等尋安同詣玄洲還爲著記號曰八公記都
不列其雞犬昇空之事矣按漢書安反伏誅葛洪
明其得道事備抱朴子及神仙傳肥水又左納葛
陂瀆瀆水自黎漿分水引瀆壽春北逕芍陂門右
北入城昔鉅鹿時苗爲縣長是其留犢處也

魏略云時

苗爲壽春令始至乘輿黃特後歲餘牛一犢及去任留犢與主簿曰是淮土所生也

瀆東有

東都街街之左道北有宋司空劉劭廟宋元徽二
年建于東鄉孝義里廟前有碑時年碑功方創齊

永明元年方立沈約宋書言太始元年豫州刺史
 殷琰叛明帝假劭輔國將軍討之琰降不犯秋毫
 百姓來蘇生為立碑文過其實建元四年故吏顏
 幼明為其廟銘故佐一作龐璉為廟讚夏侯敬友
 為廟頌並附刊于碑側瀆水又北逕相國城東劉
 武帝伐長安所築也堂宇廳館仍故以相國為名
 又北出城注肥水又西逕金城北又西左合羊頭
 谿水水受芍陂西北歷羊頭谿謂之羊頭澗水北
 逕尉湖左會烽水瀆瀆受淮於烽村南下注羊頭
 谿側逕壽春城西又北歷象門自沙門北出金城

西門逍遙樓下北注肥瀆肥水北注舊瀆之橫塘
 為玄康南路馳道左通船官坊也肥水逕玄康城
 西北流水北出際有曲水堂亦嬉遊所集也又西
 北流昔在晉世謝玄北禦苻堅祈謝云疑八公山
 及置陣於肥水之濱堅望山上草木咸為人狀此
 即故戰敗處非八公之靈有助蓋苻氏將亾之惑
 也肥水又西北注于淮是曰肥治也水本作肥
 施水亦從廣陽鄉東南入于湖

施水受肥於廣陽鄉東南流逕合肥縣應劭曰夏
 水出城父東南至此與肥合孫按漢志夏水出父

故曰合肥闕駟亦言出沛國城父東至此合為肥

余案川州字誤派別無泝注之理方知應闕

二說非實證也蓋夏水暴長施合於肥故曰合肥

也非謂夏水施水自城父東逕合肥縣城南居四水中

東又有逍遙津水上舊有梁孫權之攻合肥也張

遼敗之於津北橋不撤者兩版權與甘寧蹠馬趨

津谷利自後著鞭助勢遂得度梁凌統被鎧落水

後到追吳志流涕津渚軍還

寧等在津北為魏將張遼所

乘駿馬越津橋得去凌統傳

陷圍扶扞權出復還戰左右

權痛親近無反者悲不自勝

上津橋橋徹丈餘無板谷利在馬後使權持鞍緩

控利於後著鞭以助馬勢遂得超度權既免即拜

利都施水又東分為二水枝水北出焉下注陽淵

施水又東逕湖口東山東注巢湖謂之施口也

沮水出漢中房陵縣東山東南過臨沮縣界

沮水出東汶陽郡沮陽縣西北景山山即荆山首也

高峰霞舉峻崦層雲山海經云金玉是出亦沮水

之所導故淮南子曰沮出荆山高誘云荆山在左

馮翊懷德縣蓋以洛水有漆沮之名故也斯謬證

縣南下入沮水水又東南逕汝陽郡北即高安縣
 界郡治錫城縣居郡下城故新城之下邑義熙初
 分新城立西表悉重山也沮水南逕臨沮縣西青
 谿水注之水出縣西青山山之東有濫泉即青谿
 之源也口徑數丈其深不測其泉甚靈潔至於炎
 陽有亢陰雨無時以穢物投之輒能暴雨其水導
 源東流以源出青山故以青谿為名尋源浮谿奇
 為深峭盛弘之云稠木傍生凌空交合危樓傾崖
疑作恒有落勢風泉傳響於青林之下巖後流聲
 於白雲之上遊者常若疑作目不周翫情不給賞

是以林徒棲託雲客宅心泉側多結道士精廬焉
 青谿又東流入于沮水沮水又屈逕其縣南晉咸
 和中為沮陽郡治也沮水又東南逕當陽縣城北
 縣城因岡為阻北抗沮川其故城在東一百四十
 里謂之東城在綠林長坂南長坂即張翼德橫矛
 處也沮水又東南逕驢城西磨城東又南逕麥城
 西昔關雲長詐降處自此遂叛吳志呂蒙偽稱病
 篤乃露檄召還潛
遣蒙伏精兵鱗臚中作商賈服到南郡襲羽盡得
 羽及將士家屬羽在樊城聞之吏士無鬪心羽自
 知孤窮乃走麥城西至漳鄉眾傳云子胥造驢磨
皆委羽而降權以是父子俱獲
 二城以攻麥邑沮水又南逕楚昭王墓東對麥城

故王仲宣之賦登樓云西接昭丘是也沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水出臨沮縣東荆山東南過蓼亭又東過章鄉南

荆山在景山東一百餘里新城鄉縣界雖羣峰

競舉而荆山獨秀漳水東南流又屈西南逕編縣

南縣舊城東北一百四十里高陽城西南移治許

茂故城城南臨漳水又南歷臨沮縣之彰鄉南

關羽保麥城詐降而遜潘璋斬之於此漳水又南

逕當陽縣又南逕麥城東王仲宣登其東南隅

臨漳水而賦之曰夾清漳之通浦倚曲沮之長洲

是也漳水又南滄水注之山海經曰滄水出東北

宜諸之山而流注于漳水孫云按山海經滄水南流注于漳漳水東南流

注于

又南至枝江縣北鳥扶邑入于沮

地理志曰禹貢東條荆山在臨沮縣之東北漳水

所出東至江陵入陽水注于沔非也今漳水於當

陽縣之東南一百里餘而右會沮水也

夏水出江流于江陵縣東南

江津豫章口東有中夏口是夏水之首江之汜也
屈原所謂過夏首而西浮顧龍門而不見也龍門
即郢城之東門也

又東過華容縣南

縣故容城矣春秋魯定公四年許遷于容城是也
北臨中夏水自縣東北逕成都郡故城南晉永嘉
中西蜀阻亂割華容諸城為領王都夏水又逕交
阯太守胡寵墓北漢太傅廣身陪陵而此墓側有
廣碑故世謂廣冢非也其文言是蔡伯喈之辭歷

范西戎墓南王隱晉書地道記曰陶朱冢在華容

縣樹碑云是越之范蠡晉太原地記盛弘之荊州

記劉澄之記並言在縣之西南郭仲產言在縣東

十里檢其碑題云故西戎令范君之墓碑文缺落

不詳其人稱蠡是其先也碑是永嘉二年立觀其

所述最為究悉似親逕其地故違眾說從而正之

水又東逕監利縣南晉武帝太康五年立縣土甲

下澤多陂池西南自州陵東界逕于雲杜沌陽為

雲夢之藪矣韋昭曰雲夢在華容縣按春秋魯昭

公三年鄭伯如楚子產備田具以田江南之夢郭

景純言華容縣東南巴丘湖是也杜預云枝江縣安陸縣有雲夢蓋跨川亘隰兼苞勢廣矣夏水又東夏楊水注之水上承楊水於競陵縣之柘口家云競陵當東南流與中夏水合謂之夏楊水又東作竟陵北逕江夏惠懷縣北而東北注

又東至江夏雲杜縣入于沔

應劭十三州記曰江別入沔為夏水源夫夏之為名始於分江冬竭夏流故納厥稱既有中夏之目亦苞大夏之名矣當其決水之所出謂之堵口焉鄭玄注尚書滄浪之水言今謂之夏水來同故世

變名焉劉澄之著永初山川記云夏水古文以為滄浪漁父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文余亦以為非也自堵口下沔水宋本水通兼夏目而會于江謂之夏沔也故春秋左傳稱吳伐楚沈尹射奔命夏沔也杜預曰漢水曲入江即夏口矣

羌水出羌中參糧係按漢志引水經云羌水出羌中參谷

彼俗謂之天池白水矣地理志曰出隴西羌道東南流逕宕昌城東西北去天池五百餘里水又東

南逕宕日婆川城東南北注菟水昔姜維之寇隴
 右也聞鍾會入漢中引還知雍州刺史諸葛緒屯
 橋頭從水谷將出北道緒邀之此路維更從北道
 渡橋頭入劔閣緒追之不及羌水又東南陽部水
 注之水發東北陽部谿西南逕安民戍又西南注
 羌水又東南逕武水城西南又東南葭蘆城西羊
 湯水入焉水出西北陰平北界湯谿東南逕北部
 城北又東南逕五部城南東南合妾水一作合
 西南出即水源所發也羌水又逕葭蘆城南逕餘
 城南又東南左會五會水謝按本水有二源出

南北五部谿西南流合為一水屈而東南注羌水
 羌水又東南流至橋頭合白水東南去白水縣故
 城九十里

又東南至廣魏白水縣與漢水合又東南過巴郡閬
 中縣又南至墊江縣東南入于江充家云廣魏字誤
 涪水出廣魏涪縣西北

涪水出廣漢屬國剛氏道徼外東南流逕涪水西

孫按漢書地理志廣漢郡剛氏道注此王莽之統

睦臧宮進破涪城斬公孫恢於涪自此水上縣有
 潺水出潺山水源有金銀礪礪一作礪洗取火合之以

成金銀潺水歷潺亭而下注涪水涪水又東南逕
縣竹縣北臧宮溯涪至平陽公孫述將王元降遂
拔縣竹涪水又東南與建始水合水發平洛郡西
谿西南流屈而東南流入于涪涪水又東南逕江
油戍北鄧艾自陰平景谷步道懸兵東馬入蜀逕
江油廣漢者也涪水又東南逕南安郡南又南與
金堂水會水出廣漢新都縣東南流入涪涪水又
南枝出焉西逕廣漢五城縣為五城水又西至成
都入于江
南至小廣魏與梓潼合

小廣魏即廣漢縣地王莽更名曰廣信也

梓潼水出其縣北界西南入于涪

故廣漢郡也公孫述改為梓潼郡劉備嘉霍峻守

葭萌之功又分廣漢以北別為梓潼郡以峻為守

縣有五女蜀王遣五丁迎之至此見大地入山穴

五丁引之山崩壓五丁及五女因是地山為五

婦山又曰五婦候華陽國志云周顯王時秦惠王

之蜀遣五丁迎女還到梓潼見一大蛇入穴中一

人攬其尾五人相助大呼捭蛇山崩時壓殺五人

及秦五女并將從而山分為五嶺蜀王痛馳水所
傷因命曰五婦冢山川平石上為望婦候
出一曰五婦水亦曰潼水也其水導源南逕梓潼

縣王莽改曰子同矣自縣西逕涪城東又南入于涪水謂之五婦水口也

又西南至小廣魏縣南入于墊江孫云小廣魏當作小廣漢衍一縣字

亦言涪水至北入漢水亦謂之為內水北逕墊江

昔岑彭與臧宮自江州從涪水上公孫述令延岑

盛兵於沈水一作沅水光武紀作沈水宮左步右騎夾船而進

勢當作聲動山谷大破岑軍斬首溺水者萬餘人水

為濁流據後漢書臧宮傳校沈水出廣漢縣下入涪水也

涪水出漢中南縣東南旱山北至沔陽縣南入于沔

孫云南縣當作南鄭縣按漢志南鄭縣有旱山

涪水即黃水也東北流逕城固南城北城在山

或言韓信始立或言張良創築未知定所制矣義

熙九年索遐為果州刺史自城固治此故謂之南

城城周七里今澗當作澗帶谷絕壁百尋北谷口造

城東門傍山尋澗五里有餘盤道登陟方得城治

城北水舊有桁北渡涪水水北有趙軍城城北又

有桁渡沔取北城城即大城固縣治也黃水右岸

有悅歸館涪水歷其北北至沔陽左沔為三水口

也

百... 蜀... 岷... 東... 周... 索... 言... 水... 黃... 木... 東... 北... 南... 岷... 山...

水經注箋卷第三十三

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼

外江水所導也益州記曰大江泉源即今所聞始

發羊膊嶺下緣崖散漫小大百數殆未濫觴矣東

南下百餘里至白馬嶺而歷天彭關亦謂之為天

谷也秦昭王以李冰為蜀守冰見氏道縣有天彭
 山兩山相對其形如闕謂之天彭門亦曰天彭闕
 江水自此已上至微弱所謂發源濫觴者也荀子曰江
 出汶山其始發源可以濫觴及其至漢延平中岷
 江之津不方舟不避風不可涉也
 山崩壅江水三日不流楊雄反離騷云自岷山投
 諸江流以弔屈原名曰反騷也

江水自天彭關東逕汶關而歷氏道縣北

漢武帝元封四年分蜀郡北部置汶山郡以統之
 縣本秦始皇置後為昇遷縣也益州記曰自白馬
 嶺回行二十餘里至龍涸又八十里至陵縣又

南下六十里至石鏡又六十餘里而至北部始百
 許步又西百二十餘里至汶山故郡乃廣二百餘
 步又西南百八十里至濕坂江稍大矣故其精則
 井絡纏曜江漢晒靈河圖括地象曰岷山之精上
 為井絡帝以會昌神以建福故書曰岷山導江泉
 流深遠盛為四瀆之首廣雅曰江貢也風俗通曰
 出珍物可貢獻釋名曰江共也小水流入其中所
 公共也東北百四十里東北百四十里曰岷山中江所出東注于大
 江岷山邛崃山也在漢嘉嚴道縣一曰新道山南
 有九折坂夏則凝冰冬則毒寒王陽按轡處也

漢書王尊字子贛涿郡高陽人自郿令遷益州刺史先是琅邪王陽為益州行部至邛郯九折阪歎曰奉先人遺體奈何數乘此險後以病去及尊為刺史至其阪問曰此非王陽所畏道邪吏曰是尊叱其馭曰驅之王陽為孝子王尊為忠臣

平恒言是中江所出矣郭景純江賦曰流二江於岨崲又東百五十里曰岨山

北江所出東注于大江山海經曰岨山江水出焉

東注大江其中多怪蛇江水又逕汶江道汶出徼

外岨山西玉輪坂下而南行又東逕其縣而東注

于大江故蘇代告楚曰蜀地之甲浮船於汶乘夏

水而下江五日而至郢謂是水也

又有湔水入焉

水出綿道亦曰綿夷縣之玉壘山呂忱云一曰半

浣水也下注江孫云綿夷字誤按漢志蜀郡有綿

至江陽入江應劭曰虎音

江水又東別為沱

開明之所鑿也華陽國志曰七國時杜宇稱帝于

除水害帝遂郭景純所謂玉壘作東別之標者也

縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰江作

壩壩有左右口謂之湔壩江入郫江檢江以行舟

益州記曰江至都安堰其右檢其左其正流遂東
 郫江之右也因山頽水坐致竹木以溉諸郡又羊
 摩江灌江西於玉女房下作三石人於白沙郵郵
 在堰官上立水中刻要江神水竭不至足盛不沒
 要是以蜀人旱則藉以為溉雨則不遏其流華陽國志
 云秦孝文王時李冰為蜀守壅江作壩穿郫江檢
 江別支流雙過郡下以行舟船岷山多梓柏大竹
 積隨水流坐致竹木功省用饒又灌溉三郡開稻
 田旱則引水浸潤雨則杜塞水門故記曰水旱從
 人不知饑饉時無荒年天下謂之天府又自前堰
 上分穿羊摩江灌江西於玉女房下白沙郵作三
 石人立三水中與江神要故記曰水旱從人不知
 水竭不至足盛不沒肩

安屯堰亦曰湔堰又謂金隄左思蜀都賦云西踰

金隄者也諸葛亮北征以此堰農大一作國之所

資以征丁千二百人主護之有堰官益州刺史皇

甫晏至都安屯觀坂從事何旅曰今所安營地名

觀坂自上觀下反上之象其徵不祥不從果為牙

門張弘所殺據華陽國志校江水又逕臨邛縣王莽之監

邛也縣有火井鹽水昏夜之時光興上照華陽國志作光

映上江水又逕江鄉縣王莽更名邛原也郫江水

出焉江水又東北逕郫縣下縣民有姚精者為叛
 夷所殺掠其二女二女見夢其兄當以明日自沈

江中喪後日當至可伺候之果如所夢得二女之尸於水郡縣表異焉江水又東逕成都縣縣以漢武帝元鼎二年立縣有二江雙流郡下故揚子雲蜀都賦曰兩江珥其前者也風俗通曰秦昭王使李冰爲蜀守開成都兩江溉田萬頃神歲取童女二人爲婦冰以其女與神爲婚徑至神祠勸神酒酒杯恒澹澹冰厲聲以責之因忽不見良久有兩牛鬪於江岸傍有間冰還流汗謂官屬曰吾鬪疲極當相助也南向腰中正白者我綬也主簿刺殺北面者江神遂歿蜀人慕其氣決凡壯健者因名

冰兒也秦惠王二十七年遣張儀與司馬錯等滅蜀遂置蜀郡焉王莽改之曰導江也儀築成都以象咸陽晉太康中蜀郡爲王國更爲成都內史益州刺史治地理風俗記曰華陽黑水惟梁州漢武帝元朔二年改梁曰益州以新啓犍爲犍越雋州之疆壤益廣故稱益云初治廣漢之雒縣後乃徙此故李固與弟固書曰固今年五十七鬢髮已白所爲容身而遊滿腹而去周觀天下獨未見益州耳昔嚴夫子常言經有五涉其四州有九遊其八欲類此子矣初張儀築城取土處去城十里因

以養魚今萬頃池是也城北又有龍隄池城東有
千秋池西有柳池西北有天井池津流徑通冬夏
不竭西南兩江有七橋直西門郾江沖里橋西南
石牛門曰市橋吳漢入蜀自廣都令輕騎先往焚
之橋下謂之石犀淵李冰昔作石犀五頭以厭水
精穿石犀渠於南江命之曰犀牛里後轉犀牛二
頭在府中一頭在市橋一頭沈之於淵也
大城南門曰江橋橋南曰萬里橋西上曰夷橋下
曰葺橋南岸道東有文學始文翁為蜀守立講堂
作石室於南城永初舊水經作永年華陽國志後

學堂遇火後守更增二石室後州奪郡學移夷里

道西錦官也言錦工織錦則濯之江流而錦至

鮮明濯以佗江則錦色弱矣遂命之為錦里也蜀

有廻復水江神嘗溺殺人文翁為守祀之勸酒不

盡拔劍擊之遂不為害江水東逕廣都縣漢武帝

元朔二年置王莽之就都亭也李冰識察水脉穿

縣鹽井江西有望穿鑿山渡水結諸陂池故盛養

生之饒即南江也又從沖里橋北折曰長升橋城

北十里曰升遷華陽國志云兩江有七橋直西門

橋城南曰江橋南渡流曰萬里橋西上有送客觀

司馬相如將入長安題其門曰不乘高車駟馬華陽

國志作赤車駟馬不過汝下也後入邛蜀果如志焉李冰

泐水造橋上應七宿故世祖謂吳漢曰安軍宜在

七橋連星間華陽國志云安軍宜在七星間漢自廣都乘勝進逼

成都與其副劉尚南北相望夾江為營浮橋相對

公孫述使謝豐揚軍市橋出漢後襲破漢墜馬落

水緣馬尾得出入壁命將夜潛渡江就尚擊豐斬

之於是水之陰江北則左對繁田文翁又穿湔洩

以溉灌繁田一千七百頃前水又東絕綿洛逕五

城界至廣都比岸南入于江謂之五城水口斯為

比江水又東至南安為壁玉津故左思云東越玉

津也

注之孫云洙水當作沫水

又東南過犍為武陽縣青衣水洙水從西南來合而

縣故大夜郎國漢武帝建元六年置以郡縣太初四年

益州刺史任安城武陽建元六年置王莽更名西

順縣曰戢成光武謂之士大夫郡華陽國志曰更始時犍為遠奉

貢職及公孫述有蜀郡拒守述伐之郡功曹朱遵逆戰死之而任君業閉戶費貽素隱光武嘉之曰有鄩江入焉出江源縣首受大江東南流

至武陽縣注于江縣下注上舊有大橋廣一里半

謂之安漢橋水盛歲壞民苦治功後太守李嚴鑿

大杜山華陽國志作天社山尋江通道此橋遂廢縣有赤水

下注江建安二十九年有黃龍見此水九日方去

此縣藉江為大堰開六水門用灌郡下北山昔者

王喬所升之山也華陽國志犍為東接江陽南接朱提北接蜀郡西接廣漢王喬

升其北山彭祖家其彭蒙江水又與文井江會李冰所導也自

祚道與濛谿分水至蜀郡臨邛縣與布僕水合水

出徼外成都西沈黎郡漢武元封四年以蜀都西

部邛理旄牛道天漢四年置都尉主外羌在

邛來山表自蜀西渡邛祚其至險有弄棟孫云漢志益州

邛有弄棟縣八渡之難揚母閣路之阻後漢志注云嚴道有邛熨九折

坂其道至險有長嶺若棟八渡之難楊母閣之峻水從縣西布僕來分為

二流一水逕其道又東逕臨邛縣入文井水文井

水又東逕江都縣縣濱文井江江上有常隄隄跨

四十里有朱亭亭南有青城山山上有嘉穀山下

有蹲鴟即芋也所謂下有蹲鴟至老不饑卓氏之

所以樂遠徙也文井江又東至武陽縣天社山下

入江其一水南逕越嶠邛都縣西東南至雲南都

宋林之蜻蛉縣郡本雲山地也華陽國志作雲川地蜀建興

三年置僕水又南逕永昌郡邪龍縣而與貪水合

水靖蛉縣謝云靖蛉上上承靖蛉水逕葉榆縣又

東南至邪龍入于僕僕水又逕寧州建寧縣郡州故

庾降都督屯故南入謂之屯下劉禪建興三年分

益州郡置歷雙栢縣即水入焉水出秦藏縣前漢地志

作秦牛蘭山南流至雙栢縣東注僕僕水又東至來

唯縣入勞水水出徼外東逕其縣與僕僕水合僕水

東至交州交阯郡菴冷一作陵縣南流入于海江水

自武陽東至彭亾聚昔岑彭與吳漢滯江水入蜀

軍次是地知而惡之會日暮不移遂為刺客所害

亦謂之平模水曰外水此地有彭冢言彭祖冢焉

江水又東南逕南安縣西有熊耳峽連山競險接

嶺爭高漢河平中山崩地震江水逆流懸漑有灘

名壘坻亦曰鹽漑李冰所平也華陽國志南安縣郡東四百里治青

衣江會縣漑有名灘一日雷縣治青衣江會衿帶

二水矣即蜀王開明故治也來敏本蜀論曰荆人

鼈令歿孫云漢志詳其尸隨水上荆人求之不得

鼈令至汶山下復生起見望帝望帝者杜宇也從

天下女子朱利自江源出為宇妻遂王於蜀號曰

望帝望帝立以為相時巫山峽而蜀水不流帝使

鼈令鑿巫峽通水蜀得陸處望帝自以德不若遂

以國禪號曰開明縣南有峨眉山有濛水即大渡水也水發蒙漢孫云蒙漢當作蒙溪按漢志青衣注禹貢蒙山谿大渡水東南至南

安入東南流與濛水合水出徼外逕汶江道呂忱

曰濛水出蜀許慎以為泚水也從水我聲南至南

安入大渡水大渡水又東入江按許氏說文云泚水出蜀汶江徼外

東南入江故山海經曰濛水出漢陽西入江瀘陽四海

經作聶陽西

又東南過棘道縣北若水淹水合從西來注之又東

注水北流注孫云注水疑誤北流注下當有之字

縣本燹人居之地理風俗記曰夷中最仁有仁道

故字從人秦紀謂棘僮之富者也其邑高后六年

城之漢武帝感相如之言使縣令南通棘道費功

無成唐蒙南入斬之乃鑿石開閣以通南中迄于

建寧二千餘里山道廣丈餘深三四丈其塹舊本作塹

之迹猶存王莽更口棘治也山多猶猢猻似猴而短

足好遊巖樹一騰百步或三百丈順往倒返乘空

若飛縣有蜀王兵藹華陽國志云江有兵藹李冰燒之後漢志云有玉岳藹

其神作大難江中崖峻阻險不可穿鑿李冰乃積

薪燒之故其處懸巖猶有赤白玄黃五色焉赤白

照水玄黃從魚來至此而止言畏崖嶼不更上也

後漢志云越嶲舊本有熨人崖有五色赤白映益

部者舊傳曰張真妻黃氏女也名帛華陽國志云熨道黃帛張

也貞妻真乘船覆沒求尸不得帛至沒處灘頭仰天

而歎遂自沈淵積十四日帛持真手於灘下出時

人為說曰符有先尤洛熨道有張帛者也華陽國志云符有先

絡熨道有張帛勿郡

江水入注又與符里水合志內先氏當作雲

水出寧州南廣郡南廣縣故犍為之屬縣也漢

武帝太初元年置劉禪延熙中分以為郡導源汾

關山北水流有大涉水注之宋本作大涉水出南廣縣北

流注符里水又北逕熨道入江謂之南廣口孫按漢志

汾關山符里水所出北至熨道入江渚水則未聞也

又東過江陽縣南離水從三危山東過廣魏洛陽縣南

東南注之孫云廣魏洛陽當作廣漢洛縣

洛水出洛縣漳山亦言出梓潼縣栢山山海經曰

三危在燉煌南與崦嵫山相接山南帶黑水又山海

經不言洛水所道經曰出三危山所未詳常璩云

李冰道洛通山水流發暴灑口逕什邡縣漢高

帝六年封雍齒為侯國王莽更名曰美信縣也洛

水又南逕洛縣故城南廣漢郡治也漢高祖之為

雄洛音作

漢王也發巴渝之士北定三秦六年乃分巴蜀置

廣漢郡於乘鄉王莽之就都縣曰廣信也漢地志高帝置

廣漢郡莽曰就都又改廣漢縣曰廣信改雜縣曰吾漢安帝永初二年移

治涪城後洛縣先是洛縣城南每陰雨常有哭聲

聞於府中積數十年沛國陳寵為守以亂世多死

亡暴骸不葬故也乃悉收葬之哭聲遂絕劉備自

將攻洛龐士元中流矢死於此蜀志云先王克涪進圍雒縣龐士元

率眾攻城為流矢所中卒益州舊以蜀郡廣漢犍為三蜀土地

沃美人士雋又為一州稱望縣有沈鄉去江七里

江士遊之所居詩至孝母好飲江水嗜魚膾常以

鷄鳴遡流汲江子坐取水溺歿婦恐姑知稱詩遊

學冬夏衣服實按江流於是至孝上通洞泉泉出

其舍側而有江之甘焉詩有田濱江澤鹵澤鹵舊作澤鹵

據史記當作馮鹵謂鹹池也泉流所溉盡為沃野又湧泉之中

旦旦常出鯉魚一雙以膳焉可謂孝悌發於方寸

微美著於無窮者也江士遊後漢書作姜士遊廣漢姜詩妻者同郡龐盛之女

也詩事母至孝妻奉順尤篤舍側湧泉味如江水每旦輒出雙鯉以供母華陽國志云孝子江陽裔

長姜詩字士遊洛水又南逕新都縣蜀有三都謂成都廣

都此其一焉與綿水合水西出綿竹縣又與湔水

合亦謂之郫江也又言是洛水謝云宋本昌忱曰

一日湔然此二水俱與洛會矣又逕犍為牛鞞水

昔羅尚乘牛鞞水東征李雄謂此水也縣以漢武

帝元封二年置又東逕資中縣又逕安漢縣謂之

綿水也自上諸縣咸以溉灌故語曰綿洛為沒沃

也綿水至江陽縣方山下入江謂之綿水口曰中

水江陽縣枕帶雙流據江洛會也漢景帝六年封

趙相蘇嘉為侯國江都尉治也故犍為縣江都尉建安十九年劉璋

則黃鱗魚歟黃鱗以下字有誤按犍為國志云江中有大關小關季春黃

龍即平沒昔世祖微時過江陽縣有一子望氣者言

江陽有貴兒象王莽求之而獠煞之後世祖怨為

子立祠於縣謫其民罰布數世華陽國志云江陽

之而縣人殺之世祖謫其民不使冠帶者數世楊雄琴清英曰尹吉甫子

伯奇至孝後母譖之自投江中衣苔帶藻忽夢見

水僊賜其美藥惟養親揚聲悲歌船人聞之而學

之吉甫聞船人之聲疑似伯奇援琴作子安之操

江水注逕安漢縣北

縣雖迫山川土地特美蠶一作蠶魚鹽家有焉江陽

郡治也故犍為岐江都尉建安十八年劉璋立

江水注東逕樊石灘又逕大附灘

類歷二險也

又東過符縣北邪東南緡部水從符關東北注之孫

漢志有邪龍縣

縣故巴夷之地也漢武帝建初六年以唐蒙為中

郎將從萬人出巴符關者也漢元鼎二年立王

莽之符信矣縣治安樂水會水源南通寧州平夷

郡鼈縣北逕安縣界之東又逕符縣下孫云

安縣疑有脫落按漢志捷為有南安縣有符縣北入江縣長趙祉遣吏光

尼和以永建元年十一月詣巴郡沒灰成濡灘子

賢求喪不得女絡年二十五歲有二子五歲以還

至二年二月十五日尚不得喪絡乃乘小船至父

沒處哀哭自沈見夢告賢曰至二十一日與父俱

出至日父子果浮出江上郡縣上言為之立碑以

旌孝誠也華陽國志作先尼和沒死女絡以不得

喪自沈父沒處後漢書云孝女叔先雄

父泥和為捷為功曹墮湍水物故雄怨痛不得尸

喪百許日後自投水却後六日與父相持浮於江

上搜神記云捷為叔先泥和其女名雄其緡部之水所未聞矣或是

水五合南流注之宋本作五水合

又東北至巴郡江州縣東强水涪水漢水白水宕渠

强水即羌水也宕渠水即潛水渝水矣巴水出晉

昌郡宣漢縣巴嶺山郡隸梁州晉太康中立治漢

中縣南去郡八百餘里故蜀巴渠西南流歷巴中逕巴郡故城南李嚴所築大城北西南入江庾仲雍所謂江州縣對二水口右則涪內水左則蜀外水卽是水也江州縣故巴子之都也春秋桓公九年巴子使韓服告楚請與鄧好是也及七國稱王巴亦王焉秦惠王遣張儀等救苴侯於巴儀貪巴苴之富因執其王以歸而置巴郡焉巴治江州漢獻帝初平元年分巴爲三郡於江州則永寧郡治也至建安六年劉璋納蹇濟之訟華陽國志作納蹇能之訟復爲巴郡以嚴顏爲守顏見先主入蜀歎曰獨坐窮山

放虎自衛此卽拊心處巴漢世郡治江州巴水北北府城是也後乃徙南城劉備初以江夏費觀爲太守領江州都督後都護李嚴更城周一十六里造倉龍白虎門求以五郡爲巴州治丞相諸葛亮不許竟不果地勢側險皆重屋累居數有火害又不相容結舫水居者五百餘家承三江之會夏水增盛壞散顛沒歿者無數縣有官橘官荔枝園夏至則熟二千石常設廚膳命士大夫共會樹下食之縣北有稻田出御米也縣下又有清水穴巴人以此水爲粉則皜曜鮮芳貢粉京師因名粉水故

世謂之爲江州墮林紛紛水亦謂之爲粒水矣江水北岸有塗山南有夏禹廟塗君祠廟銘存焉常璩仲雍並言禹娶於此余按羣書咸言禹娶在壽春當塗不於此也

又江水東至枳縣西延江水從牂牁郡北流西屈注之東逕陽關巴子梁江之兩岸猶有梁處巴之三關斯爲一也延熙中蜀車騎將軍鄧芝爲江州都督治此江水又東右逕黃葛峽山高險今無人居江水又左逕明月峽東至梨鄉歷鷄鳴峽江之兩岸有枳縣治華陽記曰枳縣在江州巴郡東四百里

治涪陵水會庾仲雍所謂有別江出武陵者也水乃延江之枝津分水北注逕涪陵入江故亦云涪陵水也其水南道宋本作南逕武陵郡昔司馬錯泝舟

此水取楚黔中地延熙中鄧芝伐徐巨射玄媛於是縣媛自拔矢卷木葉塞射瘡芝歎曰傷物之生吾其歎矣江水又東逕涪陵故郡北後乃并巴郡遂罷省江水又東逕文陽灘險難上江水又東逕漢平水二百餘里左自涪陵東出百餘里而屈于

石東爲桐柱灘

又逕東望峽東歷平都峽

峽對豐民洲舊巴子別都也華陽記曰巴子雖都
江平州又治平都即此處也有平都縣為巴郡之
隸邑矣縣有天師治兼建佛寺甚清靈縣有市肆
四日一會

江水注又逕虎鬚灘

灘水廣大夏斷行旅

江水注又東逕臨江縣南

王莽之鹽江縣也華陽記曰縣在枳東四百里東

接胸忍縣有鹽官自縣北入鹽井谿有鹽井管戶

鹽井谿水孫云當作注

江水注又東得黃華水口

江浦也

左逕石城南注

庾仲雍曰臨江至石城黃華口一百里

又東注至平洲

洲上多居民

又東逕壤塗而歷和灘又東逕界壇

是地巴東之西界益州之東境故得是名也又東

過魚復縣南夷水出焉

江水注又東右得將龜谿口

華陽記曰胸忍縣出靈龜咸熙元年獻龜於相府
言出自此谿也

江水注又東南會北集渠

上谿水涪陵縣界謂之于陽谿北流逕巴東郡之
南浦僑縣西谿硤側鹽井三口相去各數十步以
木為桶徑五尺修煮不絕谿水北流注於江謂之
南集渠口亦曰于陽谿口北水出新浦縣北高梁
山分谿南水味本作南流逕其縣西又南一百里入胸
忍縣南入于江謂之北集渠口別名班口又曰分
水口胸忍尉治此

江水注又右逕池谿口

蓋江汜決入也

江水又東逕石龍而

至于博陽二村之間有盤石廣四百丈長六里
而復殆于阻塞江川夏沒冬出基亘通渚

又東逕羊腸虎臂灘

楊亮為益州至此舟覆徵當其波瀾蜀人至今

猶名之為使君灘

江水注又東彭水注之

水出巴渠郡獠孫云當中東南流逕漢豐縣東清

水注之水道源由西北巴渠縣東北巴嶺南徠中
 卽巴渠水也西南流至其縣又西入峽檀井谿水
 出焉又西出峽至漢豐縣東而西注彭谿謂之清
 水口彭谿又南逕胸忍縣西六十里南流至于江
 謂之彭谿口

江水注又東右逕胸忍縣故城南

常璩曰縣在巴東郡西三百九十里縣治故城跨
 其山阪南臨大江江之南岍有方山山形方峭枕側

江濱

江水注又東逕瞿巫灘

卽下瞿灘也又謂之博望灘左則湯谿水注之水

源出縣北六百餘里上庸界南流歷之縣孫云當作其縣

翼帶鹽井一百所巴川資以自給粒大者方寸中

夾隆起形如張傘故因名之曰傘子鹽有不成者

形亦必方異於常鹽矣王隱晉書地道記曰入湯

口四十三里有石煮以為鹽石大者如升小者如

拳煮之水竭鹽成蓋蜀火井之倫水火相得乃佳

矣湯谿下與檀谿水合上承巴渠水巴渠南歷檀

井谿之檀井水下入湯水湯水又南入于江名曰

湯口

江水又逕東陽灘

江上有破石故亦通謂之破石灘荀延光沒處也

舊本作荀延光未詳吳改作荀亦無所據常璩曰水道有東陽下瞿數

灘山有大小石城靈壽木及橘園也故地理志曰

縣有橘官有民市按漢志巴郡胸忍縣注云容母水所出南有橘官鹽官此云

民市蓋傳

寫之譌

江水又逕魚復縣之故陵

舊郡治故陵谿西二里故陵村谿即永谷也地多

木瓜樹有子大如甒白黃實甚芬香爾雅之所謂

楸也

江水又東為落牛灘逕故陵

江側有六大墳庾仲雍曰楚都丹陽所葬亦猶枳

之巴陵矣故以故陵為名也有魚復尉戍此江之

左岸有巴鄉村村人善釀故俗稱巴鄉清郡出名

酒村側有谿谿中多靈壽木中有魚其頭似羊豐

肉少骨美於餘魚谿水伏流逕平頭山內通南浦

故縣陂湖其地平曠有湖澤中有菱芡鯽鴈不異

外江凡此等物皆入峽所無地密惡蠻不可輕至

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東

北流丙水注之水發縣東南柏枝山山下有丙穴

穴方數丈中有嘉魚常以春末遊渚冬初入穴柳

亦襄漢丙穴之類也

蜀都賦嘉魚出於丙穴劉淵林注云丙穴在漢中沔陽縣

北有魚穴二所常以三月取之在豫益州記云嘉魚之鱗似鱒蜀人謂之拙魚從石孔隨泉出大者五六尺

其水北流入高陽谿谿水又東北流注于江

謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十

許里江山迥濶入峽所無城周十餘里背山面江

頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造

宋本云所作

八陣圖東

跨故壘皆累細石爲之自壘西去聚石八行行間

相去二丈因曰八陣旣成自今行師庶不覆敗皆

圖兵勢行藏之權自後深識者所不能了今夏水

漂蕩歲月消損高處可二三尺下處磨滅殆盡

江水又東南逕赤岬西

是公孫述所造因山據勢周迴七里一百四十步
東高二百丈西北高一千丈南連基白帝山甚高
大不生樹木其土悉赤土人云如人袒脚故謂之
赤岬山淮南子曰徬徨於山岬之旁注曰岬山脅
也郭仲產曰斯名將因此而興矣

江水又東逕魚復縣故城南

故魚國也春秋左傳文公十六年庸與羣蠻叛楚
莊王伐之七遇皆北唯禪儵魚人逐之是也地理
志江關都尉治公孫述名之為白帝取其王也

章武二年劉備為吳所破攻白帝為永安巴東郡
治也漢獻帝初平元年分巴為三都以魚復為故

陵郡趙胤訴劉璋改為巴東郡治趙胤當作蹇胤

獻帝初平元年征東中郎將趙胤建議分巴為二
郡穎欲得巴舊名故白益州牧劉璋以墊江以上
為巴郡江南龐羲為太守治安漢以江州至臨江
為永安郡胸忍至魚復為固陵郡建安六年魚復
蹇胤白璋爭巴名璋乃改永安為巴郡以固
陵為巴東郡徙羲為巴西太守是為三巴白帝

山城周迴二百八十步北緣馬嶺接赤岬山其間

平處南北相去八十五丈東西十七丈又東傍東

瀼谿即以為隍西南臨大江闕之眩目唯馬嶺小

差委迤猶斬為路羊腸數四然後得上益州刺史

鮑陋鎮此為譙道福所圍城裏無泉乃南開水門
鑿石為函道上施木天公直下至江中有似猿臂
相牽引汲然後得水水門之西江中有孤石為淫
預石冬出水二十餘丈夏則沒亦有裁處宋本
作出矣

李膺益州記云滎頭堆夏水漲沒數十丈其狀如
馬舟人不敢進又曰猶豫言舟子取途不決水脉
故猶豫也樂府作淫豫其歌曰淫豫
大如馬瞿塘不可下坤元錄作允豫縣有夷谿即

江水又東逕廣谿峽

斯乃三峽之首也其間三十里頽巖倚木厥勢殆
交北岸山上有神淵淵北有白鹽崖高可千餘丈

依臨神淵土人見其高白故因名之天旱燃木岸
上椎其灰燼下穢淵中尋則降雨常璩曰縣有山

舊本錯以三十一卷清水注并灑水注
三百六十六字寫入此間今改正之澤水神旱

時鳴鼓請雨則必應嘉澤蜀都賦所謂應鳴鼓而
興雨也峽中有瞿塘黃龍二灘夏水迴復泐沂所

忌瞿塘灘上有神廟尤至靈驗刺史二千石逕過
皆不得鳴角伐鼓商旅上水恐觸石有聲乃以布
裹篙足今則不能爾猶饗薦不輟此峽多獫狁不

生北岸非唯一處或有取之放著北山中初不聞
聲將同貉獸渡汶而不生矣考工記曰橘踰淮而
北為枳鸚鵡不踰濟

貉踰汶則成此地氣然也蓋自昔禹鑿以通江郭景純所謂巴

東之峽夏后疏鑿者又東出江關入南郡界

江水注自關東逕弱關捍關

捍關廩君浮夷水所置也後漢書巴郡南郡蠻本有五姓俱事鬼神未有

君長乃共擲劍於石穴約能中者為君巴氏子務相獨中之又命各乘土船約能浮者以為君唯務

相獨浮因共立為廩君乃乘土船從夷水至鹽陽射殺鹽水神女為飛蟲蔽日光者於是君平夷城

四姓皆弱關在建平秭歸界昔巴楚數相攻伐東藉

險置關以相防捍秦兼天下置立南郡自巫上皆

其城也又東過巫縣南鹽水從縣東南流注之

江水注入東烏飛水注之克家云入東當作又東

水出天門郡淩中縣界北流逕建平郡沙渠縣南

又北流逕巫縣南西北歷山道三百七十里注于

江謂之烏飛口

水經注

卷三十三

天門

水經注箋卷第三十四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

江水二

江水入注又東逕巫縣故城南

縣故楚之巫郡也秦省郡立縣以隸南郡吳孫休
分爲建平郡治巫城城緣山爲墉周十二里一百
一十步東西北三面皆帶傍溪谷南臨大江故謂
之夔國也

江水入注又東巫溪水注之

溪水道源梁州晉興郡之宜漢縣東入南當作逕

建平郡泰昌縣南又逕北井縣西東轉歷其縣北

井南有鹽井井在縣北故縣名北井建平一郡之

所資也鹽水下通巫溪溪水是兼鹽水之稱矣溪

水又南屈逕巫縣東縣之東北三百步有聖泉謂

之孔子泉其水飛清潔石穴並高泉下注溪水溪

水又南入于大江

江水入注又東逕巫峽

杜宇所鑿以通江水也郭仲產云按地理志巫山

在縣西南而今縣東有巫山將郡縣居治無恒故

也

江水入注歷峽東逕新崩灘

此山漢和帝永元十三年崩晉太元二年又崩當

崩之日水逾流百餘里湧起數十丈今灘上有石

或圓如箬或方似屋若此者甚衆皆崩崖所隕致

怒湍流故謂之新崩灘其頽巖所餘北當作之諸

嶺尚為竦桀其下十餘里有大巫山非唯三峽所

無乃當抗峰岷峨偕嶺衡疑其翼附羣山並槩青

雲更就霄漢辨其優劣耳神血涂所處今山海經

山海經曰夏后啓之臣塗是司神于巴巴人訟于孟涂之所其衣有血者執之是請生居山上在丹山西郭景純云丹山在丹陽屬巴丹山西即巫山者也又帝女居焉宋玉所謂天帝之季女名曰瑤姬未行而亾封于巫山之臺精魂為草寔為靈芝所謂巫山之女高唐之姬旦為行雲暮為行雨朝朝暮暮陽臺之下旦早視之果如其言故為立廟號朝雲焉其間首尾一百六十里謂之巫峽蓋因山為名也自三峽七百里中兩岸連山略無闕處重巖疊嶂隱天蔽日自非停午夜分不見曦月

至於夏水襄陵沿沂阻絕王命急宣有時朝發白帝暮到江陵其間千二百里雖乘奔御風不以疾也春冬之時則素湍淩淥潭迴清倒影絕巘多生檉柏懸泉瀑布飛漱其間清榮峻茂良多趣味舊本作趣謂每至晴初霜旦林寒澗肅常有高猿長嘯屢引淒異世說注引荆州記作屬引清遠空谷傳響哀轉久絕故漁者歌曰巴東三峽巫峽長猿鳴三聲淚沾裳

江水入注又東逕石門灘

灘北岸有山山上合下開洞達東西緣江步路所由劉備為陸遜所破是逕此門謝云一作追者甚

急備乃燒鎧斷道孫桓爲遜前驅奮不顧命斬上夔道吳志作斬上堯道截其要徑備踰山越險僅乃得免忿恚而歎曰吾昔至京桓尚小兒而今迫孤乃至於此遂發憤而薨矣

又東過秭歸縣之南

縣故歸鄉地理志曰歸子國也樂緯曰昔歸典叶聲律宋忠曰歸卽夔歸鄉蓋夔鄉矣古楚之嫡嗣有熊摯者以廢疾不立而居于夔爲楚附庸後王命爲夔子春秋僖公二十六年楚以其不祀滅之者也袁松曰屈原有賢姊聞原放逐亦來歸喻令

自寬全鄉人冀其見從因名曰秭歸卽離騷所謂女嬃嬋媛以詈余也縣城東北依山卽坂周廻二里高一丈五尺南臨大江古老相傳謂之劉備城蓋備征吳所築也縣東北數十里有屈原舊田宅雖畦堰縻漫猶保屈田之稱也縣北一百六十里有屈原故宅累石爲屋基名其地曰樂平里宅之東北六十里有女嬃廟擣衣石猶存故宜都記曰秭歸蓋楚子熊繹之始國而屈原之鄉里也屈原宅于今具存指謂此也

江水入注又東逕城北

其城憑嶺作固二百一十步夾溪臨谷據山枕江北對丹陽城城據山跨阜周八里二百八十步東北兩面悉臨絕澗西帶亭下溪南枕大江嶮峭壁立信天固也楚子楚衍熊繹始封丹陽之所都也地理志以為吳子之丹陽論者云尋吳楚悠隔縵縷荆山無容遠在吳境是為非也又楚子先王陵墓在其間蓋為徵矣

江水入注又東南逕夔城南

跨據川阜周迴一里百一十八步西北皆枕深谷東帶鄉溪南側大江城內西北角有金城東北角

有員土獄西南角有石井口徑五尺熊摯始治巫城後疾移此蓋夔徙也春秋左傳僖公二十六年楚令尹子玉城夔者也孫按左傳作波夔服虔曰在巫之陽秭歸歸鄉矣

江水入注又東逕歸鄉縣故城北

袁崧曰父老傳言原既流放忽然暫歸鄉人喜悅因名曰歸鄉抑其山秀水清故出雋異地益流瘳故其性亦隘詩云惟岳降神生甫及申信與余謂袁松此言可謂因事而立證恐非名縣之本旨矣縣城南面重嶺北背大江東帶鄉口溪溪源出縣

東南數百里西南入縣逕狗峽西峽崖龕中石隱起有狗形形狀具足故以狗名峽鄉口溪又西北逕縣下入江謂之鄉口也

江水又東逕信陵縣南

臨大江東傍深溪溪源北發梁州上庸縣界南流逕縣下而注大江也

江水又東過夷陵縣南

江水自建平至東界峽盛弘之謂空冷峽峽甚高峻即宜都建平二郡界也其間遠望交嶺表有五六峰參差互出上有奇石如二人像攘袂相對俗

傳兩郡界於此宜都督郵厥勢小東傾議者以為不如也

江水歷峽東逕宜昌縣之墻窰下

江之左岸絕崖壁立數百丈飛鳥所不能棲有一火爐墻標在崖間當作火爐望見可長數尺父老傳

言昔洪水之時人薄舟崖側以餘燼標墻之巖側至今猶存故先後相承謂之墻窰也治聞記云空舫

火燼長數尺名曰插窰相傳堯時洪水行者泊

江水又東流頭灘

其水並浚激奔暴魚鼈所不能游行者常苦之其

歌曰灘頭白勃堅相持倏忽淪沒別無期袁松曰

自蜀至此五千餘里下水五日上水百日也

江水不注又東逕宜昌縣北

分夷道狼山孫云當作俱山所立也縣治江之南岸北枕

大江與夷陵對界宜都記曰渡流頭灘十里便得

宜昌縣

江水不注又東逕狼尾灘而歷人灘

袁松曰二灘相去二里人灘水至峻峭南岸有青

石夏沒冬出其石欹峯數十步中悉作人面形或

大或小其分明者皆髮皆具因名曰人灘也

江水不注又東逕黃牛山

下有灘名曰黃牛灘南岸重嶺疊起最外高崖間

有色孫云當作有石如人負刀牽牛人黑牛黃成就分明

既人跡所絕莫得究焉此巖既高加以江湍紆迴雖

途逕信宿猶望見此物故行者謠曰朝發黃牛暮

宿黃牛言水路行深迴望如一矣御覽引此云言水路絕深迴環

望如一矣

江水不注又東逕西陵峽

宜都記曰自黃牛灘東入西陵界至峽口一百許

里山水紆曲而兩岸高山重嶂非日中夜半不見

日月絕壁或千許丈其石彩色形容多所像類林木高茂略盡冬春猿鳴至清山谷傳響泠泠不絕所謂三峽此其一也松言常聞峽中水疾書記及口傳悉以臨懼相戒曾無稱有山水之美也及余來踐躋此意既至欣然始信也耳聞不如親見矣其壘嶠秀峰竒構異形固難以辭敘林木蕭森離離蔚蔚乃在霞氣之表仰矚俯映彌習彌孫云疑脫也字流連信宿不覺忘返目所履歷未嘗有也既自欣得此竒觀山水有靈亦當驚知己於千古矣

江水歷禹斷江

南峽北有北谷村兩山間有水清深潭而不流又者舊傳言昔是大江及禹治水此江小不足瀉水禹更開今峽口水勢奔衝此江遂絕于今謂之斷

江也

江水出峽東南流逕故城州

州附北岸洲頭曰郭洲長二里廣一里上有步闡疑缺里葢文疑圓稱洲周迴略滿故城洲上城周一字

吳西疑督步隲所築也孫皓鳳皇元年隲息闡復

為西陵督據此城降晉遣太傅羊祜接援未至為

陸抗所陷也

江水又東逕故城北

宋本作陸抗故城北

所謂陸抗城也城即此當作為墉四面大險江南

岸有山孤秀從江中仰望壁立峻絕袁崧為郡嘗

登之矚望焉故其記云今自山南上至其嶺嶺容

十許人四面望諸山略盡其勢俯臨大江如縈帶

焉視舟如鳧鴈矣北對夷陵縣之故城城南臨大

江秦令白起伐楚三戰而燒夷陵者也應劭曰夷

山在西北蓋因山以名縣也王莽改曰居利吳黃

武元年更名西陵也後復夷陵縣北三十里有石

穴名白馬穿

舊本作名馬穿

嘗有白馬出穴食

食字下疑有木

麥字乃成文理白地引荆州記正同但云昔有馬從穴出因復還入潛行乃出漢中人逐之

入穴潛行出漢中漢中人失馬亦嘗出此穴相去

數千里袁崧言江北多連山登之望江南諸山數

十百重莫識其名高者千仞多奇形異勢自非煙

寨雨霽不辨見此遠山矣余嘗往返十許過正可

見其遠峰耳

江水又東逕白鹿巖

沿江有峻壁百餘丈猿所不能遊有一白鹿陵峭

登岬乘巖而上故世名此巖為白鹿云

江水又東歷荆門虎牙之間

荆門在南上合下開閭徹山南有門像虎牙在此

石壁色紅間有白文類牙形並以物像受名此三

山楚之西塞也水勢急峻故郭景純江賦曰虎牙

桀豎以屹萃荆門鬪竦而盤薄圖淵九迴以懸騰

溢流雷响而電激者也江賦云荆門鬪竦而盤薄圖淵九迴以懸騰溢流雷

响而電激漢建武十一年公孫述遣其大司徒任滿翼

江王田戎將兵萬據險為浮橋橫江以絕水路營

壘跨山以塞陸道光武遣吳漢岑彭將六萬人擊

荆門漢等率舟師攻之直衝浮橋因風縱火遂斬

滿等矣

又東南過夷道縣北夷水從銀山縣南東北注之漢地

理志武陵郡有銀山縣孟康云音垣

夷道縣漢武帝伐西南夷路由此出故曰夷道矣

王莽更名江湖宋本作江桓溫父名彝改曰西道魏

武臨江分南郡置臨江郡劉備曰宜都郡治在縣

東四百步故城吳丞相陸遜所築也為二江之會

也北有湖里淵淵上橘柚蔽野桑麻閭日西望銀

山諸嶺重峰疊秀青翠相臨時有丹霞白雲遊曳

其上城東北有望堂地特峻下臨青江遊矚之名

處也縣北有女觀山厥處高顯回眺極目古老傳

言昔有思婦夫官於蜀屢愆歸期歸期舊本作愁期當是秋斯之

謠毛詩秋以為期也登此山絕望憂感而歎山木枯悴鞠為

童枯鄉人哀之因名此山為女觀焉葬之山頂今

孤墳尚存矣又東過枝江縣南沮水從北來注之

江水入注又東逕上明城北

地此北字衍晉太元中苻堅之寇荊州也刺史桓沖徙

渡江南使劉波築之移州治城也其地夷敞北據

大江江汜枝分東入大江江汜當縣治洲上故以

枝江為稱地理志曰江沱出西南東入江是也江沱

當作江沱按地理志蜀郡郫縣其民故羅徙羅故

宜城西山楚文王又徙之于長沙今羅縣是矣

縣西三里有津鄉津鄉里名也春秋莊公十九年

巴人伐楚楚子禦之大敗於津鄉應劭曰南郡江

陵有津鄉今則無聞矣郭仲產云尋楚禦巴人枝

江是其塗便此津鄉縣即其地也津鄉縣舊本作

譌吳改作縣亦無所據漢晉地志無津鄉縣也或是似字之譌盛弘之曰縣舊治

沮中後移出百里洲西去郡一百六十里縣左右

有數十洲槃布洲中當作其百里洲最為大也中

桑田甘果映江依洲自縣西至上明東及江津其

中有九十九洲楚諺云洲下石當作洲故不出王

者桓玄有開鼎當作鼎之志乃槽一洲以充百數僭

號數旬宗滅身屠及其傾敗洲亦消毀今上在西

忽有一洲自生沙流迴薄成不淹時其後未幾龍

飛江漢矣此今上是盛弘之荆州記中語謂宋文帝自鎮西將軍宜都王入繼武帝於江

陵進璽紱也隋志云盛弘之荆州記三卷縣東二里有縣人

劉凝之故宅凝之字志安兄盛公高尚不仕凝之

慕老萊嚴子陵之為人立屋江湖非力不食妻梁

州刺史郭詮女亦能安貧宋元嘉中夫妻隱于衡

山終焉不返矣縣東北十里土臺北岸有迤洲長

十餘里義熙初武烈王斬桓謙處武烈王當是武陵王被宋書高

祖討桓玄玄敗走江陵乃奉武陵王遵為大將軍承制大赦天下玄走至枚回洲斬首傳京師義熙

元年正月劉毅等至江津破桓謙桓振江陵平縣東南二十里富城洲上

有道士范儕精廬自言巴東人少遊荆土而多盤

桓縣界惡衣糞食蕭散自得言來事多驗而辭不

可詳人心欲見欵然而對貌言尋求終弗遇也雖

逕跨諸洲而舟人未嘗見其濟涉也後東遊廣陵

卒於彼土儕本洲孫云疑無定止處宿憇一小巷

而已疑作小弟子慕之於其昔遊共立精舍以

存其人縣有陳留王子香廟頌子香於漢和帝之

時出為荆州刺史有惠政天子徵之道卒枝江亭

中常有二白虎出人人間送喪踰境百姓追美其棠以永元十八年立廟設祠刻石銘德號曰枝江白虎王君其子孫世今猶謂之為白虎王

江水又注又東會沮口

楚昭所謂江漢沮漳楚之望也

又南過江陵縣南

縣江有洲號曰枝迴洲

沈約宋書作枚迴洲斬桓玄處

江水自此

兩分而為南北江也北江有故鄉洲元興之末桓玄西奔毛祐之與參軍費恬射玄於此洲玄子昇年六歲輒拔去之王韶之云玄之初奔也經日不得食左右進麤粥咽不下昇抱玄曾撫之玄悲不自勝至此益州都護馮遷斬玄於此洲斬昇於江陵矣下有龍洲洲東有寵洲二淵當作淵之間世擅多魚矣漁者投罟歷網往往繼絕絕荆州記作投罟揮網宋本作往絕往維有潛客泳而視之見水下有兩石牛嘗為嘗

害矣故漁者莫不擊浪浮舟鼓枻而去矣其下謂之郗里洲洲有高沙湖湖東北有小水通江名曰

曾口

江水又注又東逕鸞尾洲

北合靈溪水水無泉源上承散水合承大溪南流

注江江溪之會有靈溪成背阿面江西帶靈溪故
成得其名矣

江水東得馬牧口

江水斷洲通會

江水又東逕江陵縣故城南

禹貢荆及衡陽惟荊州蓋卽荆山之稱而制州名
矣故楚也子革曰我先君僻處荆山以供王事遂
遷紀郢今城楚船官地也春秋之渚宮矣秦昭襄
王二十九年使白起拔郢郢以漢南地而置南郡
焉周書曰南國名也南氏有二臣方鈞勢敵競進

爭權君弗能制南氏用分爲二南國也

出周書史記解按

韓嬰敘詩云其地在南郡南陽之間呂氏春秋所

謂禹自塗山巡省南土者也是郡取名焉後漢景

帝以爲臨江王榮國王坐侵廟垣塹地爲宮被徵升

車出北門而軸折父老竊流涕曰吾王不還矣自

後北門不開蓋由榮非理終也漢景帝二年改爲

江陵縣王莽更名南順縣曰江陵舊城關羽所築

羽北圍曹仁呂蒙襲而據之羽曰此城吾所築不

可攻也乃引而退杜元凱之攻江陵也城上人以

瓠繫狗頸示之元凱病瘵故也及城陷殺城中老

小血流沾足論者以此薄之江陵城地東南傾故緣以金隄自靈溪始桓溫令陳遵造遵善於防攻

孫云防攻當作方功謂以方計土功也

使人打鼓遠聽之知地勢高

下依傍創築略無差矣城西有栖霞樓俯臨通隍

吐納江流城南有馬牧城西側馬逕此洲始自枚

廻下迄於此長七十餘里洲上有奉城故江津長

所治舊主度州郡貢於洛陽因謂之奉城亦曰江

津戍也戍南對馬頭岸昔陸抗屯此與羊祜相對

大弘信義談者以為華元子反復見於今矣北對

大岸謂之江津口故洲亦取名焉江水自此始也

江水舊本作江火疑火乃大字之譌吳改為水未安

家語曰江水至江津

方舟避風不可涉也故郭景純云濟江津以起漲

言其深廣也

江水注又東逕郢城南

子囊遺言所築城也地理志曰楚別邑故郢矣王

莽以為郢亭城中有趙臺卿冢岐平生自所營也

冢圖賓主之容用存情好敘其宿尚矣

江水注又東得豫章口

夏水所通也西北有豫章岡蓋因岡而得名矣或

言因楚王豫章臺名所未詳也

新章

錄其節

朱刻

水經注箋卷第三十五

漢 桑欽撰

後魏酈道元注

明 李長庚訂

孫汝澄

朱謀瑋箋

李克家全校

江水三

又東至華容縣西夏水出焉

江水左迤為中夏水右則中郎浦出焉江浦右迤南派曲而極水曲之地勢世謂之江曲者也

又東南當華容縣南涌水出焉

江水又東涌水注之

水自夏水南通於江謂之涌口春秋所謂閭敖游

涌而逸於二水之閭者也左傳云楚武王克權遷權于那處使閭敖尹之

及文王即位與巴人伐申而驚其師巴人叛楚而伐那處取之遂門于楚閭敖游涌而逸楚子殺之

其族為亂巴人因之以伐楚

江水又逕南平郡孱陵縣之樂鄉城北

吳陸抗所築後王濬攻之獲吳水軍督陸景於此

渚也

又東南油水從東南來注之又東右合油口

又東逕公安縣北

劉備之奔江陵使築而鎮之曹公聞孫權以荊州

借備臨書落筆杜預克定江南置華容置之謂之

江安縣南郡治矣以華容之南鄉為南郡晉太康

元年改曰南平也縣有油水水東有景口口即武

陵郡界景口東有淪口淪水南與景水合又南通

澧水及諸陂湖此是淵也孫云淵當作淪相接悉是南蠻

府屯也故側江有大城相承云倉儲城即邸閣也

江水左會高口

江浦也對黃州

江水又東得故市口

水與高水通也

江水又右逕楊岐北山

宋本山抗作枕大江山東有城故華容縣尉舊治也

大江又東左合子夏口

江水左迤北出通於夏水故曰子夏也當作故曰夏口也

大江又東左得侯臺水口

江浦也

大江右得龍穴水口

江浦右迤也北對虎洲又洲北有龍巢地名也昔

禹南濟江黃龍夾舟舟人五色無主禹笑曰吾受

命於天竭力養民生死命也何憂龍哉於是二龍

彈劍掉尾而去焉故水地取名矣

江水自龍巢而東俞口

夏水泛盛則有冬無之江水北岸上有小城故監

縣尉治也

又東得清揚土塢二口

江浦也

大江右逕石首山北又東逕赭要

赭要洲名在大江中次北湖洲下

江水左得飯筐上口

秋夏水通下口間相距三十餘里赭要下即楊子

洲在大江中二洲之間常苦蛟害者宋本荆飲飛

濟此遇兩蛟斬之自後罕有所患矣呂氏春秋云荆有次飛者

得寶劍于干遂還返涉江至於中流有兩蛟夾繞其船次飛攘臂拔劍赴江刺蛟殺之而復上船舟

中之人皆得活荆王聞之仕之執珪江之右岸則溝宋本水口口上

卽錢官也水自牛皮山東北通江北對清水洲洲

卜接生江洲南卽生江口水南通澧浦江水右會

飯筐上口江浦所入也

江水又右得上檀浦

江澁也

江水又東逕竹畦南味本作南

江中有觀詳澁澁東有太洲洲東分爲爵洲洲南

對湘江口也

又東至長沙下雋縣北澧水沅水資水合東流注之

凡此諸水皆注于洞庭之陂是乃湘水非江川也

湘水從南來注之

江水右會湘水所謂江水會者也

江水又東左得二夏浦

夏浦俗謂之西江口又東逕忌置山南山東卽隱

口浦矣江之右岸有城陵山山有故城東接微落

山亦曰暉落磯江之南畔名黃金瀨瀨東有黃金

浦良父口夏浦也

又東逕彭城口

水東有彭城磯故水受其名卽玉潤水宋本作出

巴丘縣東玉山玉溪北流注于江

江水自彭城磯東逕如山北

北對隱磯二磯之間大江之中有獨石孤立大江

中山東江浦世謂之白馬口

江水又左逕白螺山南

右歷鴨蘭巖北江中也東得鴨蘭治浦二口夏浦

也

江水左逕止烏林南
止當作上

村居地名也又東逕烏黎口江浦也卽中烏林矣

又東逕烏林南吳黃蓋敗魏武於烏林卽是處也

江水又東左得子練口

北通練浦又東合練口江浦也南直練洲練名所

以生也江之右岸得蒲磯口卽陸口也水出下雋

縣西三山溪其水東逕陸城北又東逕下雋縣南

故長沙舊縣王莽之閤雋也宋元嘉十六年割隸

巴陵郡陸水又屈而西北流又逕其縣北北對金

城吳將陸渙所屯也陸水又入蒲圻縣北逕呂蒙

城西昔孫權征長沙零桂所鎮也陸水又逕蒲巖山北入大江謂之刀環口又東逕蒲巖山北對蒲圻洲亦曰擎洲又曰南洲洲頭卽蒲圻縣治也晉太康元年置洲上有白面洲洲南又有漂口水出豫章艾縣東入蒲圻縣至沙陽西北魚嶽山入江山在大江中楊子洲南孤峙中洲

江水左得中陽水口又東得白沙口

一名沙屯卽麻屯口也本名蔑默口江浦矣南直蒲圻洲水北入百餘里吳所屯也又逕魚嶽山北下得金梁洲洲東北對淵淵宋本一作洲一名淵步洲江

濱從洲頭以上悉壁立無岸歷專宋本一作岐致至白沙

方有浦上甚難江中有沙陽洲沙陽縣治也縣本

江夏之沙羨矣晉太康中改曰沙陽縣宋元嘉十

六年割隸巴陵郡江之右岸有雍口亦謂之流口

東北流之長洋港東北流逕石子岡岡上有故城

卽州陵縣之故城也莊辛所言左州侯國矣又東

逕州陵新治南王莽之江夏也港水東南流注于

江謂之洋口南對龍穴洲沙陽洲之下尾也洲裏

有駕部口宋景平二年迎文帝於江陵法駕頓此

因以爲名文帝車駕發江陵至此黑龍躍出負帝

所乘舟左右失色上謂長史王曇首曰乃夏禹所

以受天命矣我何德以堪之故有龍穴之名焉

江水東右得聶口

江浦也左對聶洲

江水左逕百人山南

右逕赤壁山北昔周瑜與黃蓋詐魏武大軍所起

也吳志云曹公軍次江北周瑜等在南岸周瑜部將黃蓋取蒙衝鬪艦數十艘實以薪草膏油灌其

中裹以帷幕上建牙旗先書報曹公欺以欲降引

次俱前蓋放諸船同時發火時風盛猛悉延燒岸上營落煙炎張天軍遂退敗

江水東逕大軍山南

山東有山屯夏浦江水左逕也江中有石浮出謂

之節度石右則塗水注之出江州武昌郡武昌縣

泰山西北流逕汝南僑郡故城南咸和中寇難南

逼戶口南渡因置斯郡治于塗口塗水歷縣西又

西北流注于江

江水又東逕小軍山南

臨側江津東有小軍浦

江水又東逕雞翅山北

山東即土城浦也

又東北至江夏沙羨縣西北沔水從北來注之

沌水上承陽縣之白湖東南流為沌水逕陽縣南

注于江謂之沌口有陽都尉治晉永嘉六年王敦

以陶侃為荊州鎮此明年徙林鄣晉書周顛為荊州刺史方入境

為賊所破王敦於是表拜陶侃為使持節寧遠將軍南蠻校尉荊州刺史領西陽江夏武昌鎮于沌

口晉本紀云愍帝建興二年杜弢別帥王直襲荊州刺史陶侃於林鄣侃奔瀘中

江水注又東逕歎父山南對歎州

亦曰歎步矣江之右岸當鸚鵡洲南有江水右迤

謂之驛渚三月以末水下通樊口水

江水注又東逕魯山南

右翼際山也地說曰漢與江合于衡北翼際山南

者也山上有吳江夏太守陸渙所治城蓋取二水

之名地理志曰夏水過郡入江夏也江漢曰舊治安陸漢

高帝六年置吳乃徙此城中有晉征南將軍荊州

刺史胡奮碑又有平南將軍王世將刻石記征杜

曾專有劉琦墓及廟也山左即沔水口矣沔左有

却月城然亦曰偃月壘戴監軍築故曲陵縣也後

乃沙羨縣治也昔魏將黃祖所守遣董襲陸統攻

而禽之禰衡亦遇害於此衡恃才倜儻肆狂狷於

無妄之世保身不足遇非其死可謂咎悔之深矣

江之右岸有船官浦歷黃鵠磯西而南矣直鸚鵡

洲之下尾江水差曰當作狀浦是曰黃軍浦昔吳

將黃蓋軍師所屯故浦得其名亦商舟之所會矣

船官浦東即黃鵠山林澗甚美譙郡戴仲若野服

居之山下謂之黃鵠岸岸下有灣目之為鵠灣鵠

山東北對夏口城魏黃初二年孫權所築也依山

傍江開勢明遠憑墉藉阻高觀枕流上則遊因一作

遊流川下則激浪崎嶇寔舟人之所艱也對岸則

入沔津故城以夏口為名亦沙羨縣治也涓

江水左得湖口水通大湖白又東合灑口水上承沔水

於安陸縣而東逕灑陽縣北東南注于江江水又東

湖水自北南注謂之嘉吳江右岸頗得二夏浦北對

東城洲西浦側有雍伏戍江之左岸東會龍驤水口

出北山蠻中江之有宋本武口水宋本通安陸之延頭

宋永嘉二年衛將軍荊州刺史謝晦阻兵上流為

征北檀道濟所敗走奔於此為戍主光順之所執

處也南至武城俱入大江南直武洲洲南對楊桂

水口江水南出也通金女大文桃班三治吳舊地

宋本所在荊州界盡此

江水東逕若城南

庾仲雍江記曰若城至武城口三十里者也南對

水經注

郭口夏浦而不常泛矣東得苦菜夏浦浦東有苦菜夏江逕其北故浦有苦菜之名焉山上有菜苦可食江水左得廣武口江浦也江之右岸有李姥浦浦中偏無蚊蚋之患矣北對崢嶸洲冠軍將軍劉毅破桓玄於此洲玄乃挾天子西走江陵矣又東過邾縣南

江水東逕白虎巖北山臨側江濱又東會赤溪夏浦二口江水右迤也又東逕具巖味本作巖此庾仲雍謂之沛岸矣江右岸有秋口江浦也又東得烏石水出烏石山南流注于江

江水右得黎巖北

亦曰黎岸也山東有夏浦又東逕上磧北山名也仲雍謂之大小竹磧也北岸烽火洲即舉洲也北對舉口仲雍作莒字得其音而忘其事非也舉水出龜頭山西北流逕龍戍南梁定州治蠻田超秀為刺史舉水又西流左合垂山之水水北出垂山之陽與弋陽孫云疑作弋陽漢志汝南郡有弋陽縣澠水同發一山故是水合之水之東有南口戍又南逕方山戍西流注于舉水又西南逕梁司豫二州東蠻田魯生為刺史治湖陂城亦謂之山城也舉水又西南

逕顏城南又西南逕齊安郡西倒水注之出黃武
山南逕白沙戍西又東南逕梁達城戍西東南合
舉水舉水又南東歷赤亭下又謂之赤亭水又分
為二水南流注于江謂之舉洲南對舉洲春秋左
傳定公四年吳楚陣于柏舉京相璠曰漢東地矣
夏有汜水或作舉疑即此也左水東南流入于江
澣曰文方口江之右岸有鳳鳴口江浦也浦側有

鳳鳴戍

江水又東逕邾縣故城南

楚宣王滅邾徙居于此故曰邾也漢高帝三年項

羽封吳芮為衡山王都地理志邾縣屬江夏郡衡山王吳芮所都也

晉咸和中庾翼為西陽太守分江夏立四年豫州

刺史毛寶西陽太守樊俊其鎮之為石虎將張格

度所陷自爾丘墟焉城南對蘆洲舊吳時案容舍於

洲上方便謂所止焉亦謂之羅洲矣

鄂縣北江水注右得樊口

庾仲雍江水記云谷里袁口江津南入歷樊山上

下三百里通新興馬頭二治樊口之北有灣昔孫

權裝大船名之曰長安亦曰大舶載坐直之士三

千人與群臣泛舟江津屬值風起權欲西取蘆洲

谷利不從乃拔刀急止令取樊口薄船舶至岸而

敗江表傳曰孫權於武昌新裝大船名爲長安泛之釣臺沂時風大盛谷利令舵工取樊口權口

當張頭取羅州利拔刀向舵工曰不取樊口者斬工即轉舵入樊口風遂猛不可行乃還故名

其處爲敗船灣因鑿樊山爲路以上人即名其處

爲吳造峴在樊口上一里今厥處尚存

江水注又左逕赤鼻山南

山臨側江川

又東逕西陽郡南郡治即西陽縣也

晉書地道記以爲弦子國也

江之右岸有鄂縣注

舊樊楚也世本稱熊渠封其中子之名某者爲鄂

王史記世家云熊渠立其長子康爲句亶王中子紅爲鄂王少子執疵爲越章王晉太康

地記以爲東鄂矣九州記曰鄂今武昌也孫權以

魏黃初元年中自公安徙此改曰武昌縣鄂縣徙

治於袁山東又以其年立爲江夏郡分建業之民

千家以益之至黃龍元年權遷都建業以陸遜輔

太子鎮武昌孫皓亦都之皓還東令滕牧守之晉

惠帝永平中始置江州傅綜爲刺史治此城後太

尉庾亮之所鎮也今武昌郡治城南有袁山即樊

山也武昌記曰樊口南有大姥廟孫權常獵於山

下依夕見一媵問權獵何所得曰正得一豹母曰

何不豎豹尾忽然不見依夕字誤當作依希按太平廣記引武昌記曰孫權

獵於武昌樊山下見一老母問權何獲曰只得一豹母曰何不豎其尾忽然不見權稱尊號立廟于

山應劭漢官序曰豹尾過後執金吾罷屯解圍大

子鹵簿中後屬車施豹尾於道路豹尾之內為省

中蓋權事應在此故為立廟也輿服志漢官篇曰豹尾過後罷屯解

圍胡廣曰施於道路豹尾之內為省中故須過後屯圍乃得解又孫皓亦嘗登之

使將害常侍王蕃而其首虎以爭之江表傳曰孫皓於殿上斬

王蕃出登來山使親近將蕃首作虎跳狼爭咋齧之北背大江江上有釣臺

權常極飲其上曰墮臺醉乃已張昭盡言處吳志云孫

權於武昌臨釣臺飲酒大醉使人以水洒羣臣曰今日酣飲惟醉墮臺中乃止耳張昭正色不言出

外車中坐權呼還問何為怒對曰昔紂為糟丘酒池長夜之飲當時亦不以為惡也權默然慙遂罷

酒城西有郊壇權告天位于此顧謂公卿曰魯子

敬嘗言此可謂明於事勢矣城東故城言漢將灌

嬰所築也江中有節度石三段廣百步高五六丈

是西陽武昌界分江於斯石也又得東五丈又得

次浦江浦也東逕五磯北有五山泐次江陰故得

是名矣仲雍謂之五圻

入注又東江水左則巴水注之

水出雩婁縣之下靈山即大別山也與決水同出

水經注卷之五

一山故世謂之分水山亦或曰巴山南歷蠻中吳

時舊立屯於水側引巴水以溉野又南逕巴水戍

南流注于江謂之巴口

又東逕軹縣故城南

漢地理志江夏郡軹縣故弦子國也孟康音汰又音徒系反舊

本作較宋本作救皆誤也

故弦國也春秋僖公五年秋楚滅弦弦子奔黃者

也漢惠帝元年封長沙相利倉為侯國

漢功臣表曰惠帝二

年封長沙相黎朱蒼君為軹侯

城在山之陽南對五洲也江中有

五洲相接故以五洲為名宋孝武帝舉兵江洲建

牙洲上有紫雲陰之即洲也

東會希水口出瀟縣霍山西麓山北有瀟縣故城

地理志曰縣南有天柱山即霍山也有祠南嶽廟

音潛齊立霍州治此西南流分為二水枝津出焉

希水又南積而為湖謂之希湖湖水又南流逕軹

縣東而南流注于江是曰希口水者也然水流急

濬霖雨暴病

孫云疑作暴澍

漂濫無常行者難之

大江右岸有厭里口安樂浦

從此至武昌尚方作部諸屯相接枕帶長江又東

得桑步步下有章浦本南陽郡治今悉荒蕪

江水左得赤水浦

夏浦也

江水又東逕南陽山南

又曰苟機宋本作亦曰南陽機仲雍謂之南陽圻

一名洛至圻一名石姥水勢迅急

江水注又東逕西陵縣故城南

史記秦昭王遣白起伐楚取西陵者也漢章帝建

初二年封陰堂為侯國

江水東歷孟家澆孫云疑江之右岸有黃石山水逕

其北

即黃石巖也一名石茨圻有西陵縣也縣北則三

洲也山連逕江則東山偏高謂之西塞東對黃公

九磯所謂九圻者也於行小難兩山之間為闕塞

也從此濟於土復土復者北岸地名也

又東過蘄春縣南蘄水從北東注之克家云疑

江水又得常口宋本作江浦也浦東有葦山江水

東逕山北北崖有東湖口江波左迤流結成湖故

謂之湖口矣江水又東得空石口江浦在右臨江

有空石山南對石穴洲洲上有蘄陽縣治也又東

蘄水注之江水又東逕蘄春縣故城南世祖建武

三十年封陳俊子浮為侯國也江水又東得銅零

口江浦也大江右逕蝦蟆山北而東會海口水南

通大湖北達于江水左右翼山江水逕其北東合

臧口江浦矣江水又左逕長風山南得長風口江

浦也江水又東逕積布山南俗謂之積布磯又曰

積布圻庾仲雍所謂高山也此即西陽一作南陽尋陽

二郡界也右岸有土復曰江浦也夾浦有江山山

東口有護江浦也庾仲雍謂之朝二浦也

又東過下雉縣北刊水從東陵西南注之

江水東逕琵琶山南山下有琵琶灣也又東逕望

夫山南又東得苦菜水水口夏浦也江之右岸富

水注之水出陽新縣之青湓山西北流逕陽縣

豫章之屬一作屬縣矣地多女鳥玄中記曰新陽男子

於水次得之遂與其居生二女悉衣羽而去豫章

間養兒不露其衣言是鳥落塵於兒衣中則令兒

病故亦謂之飛夜遊女矣搜神記云豫章新喻縣

皆衣毛衣生得一女所解之衣藏之此女不得去

男子取以為婦生三女後於積稻下得其毛衣遂

飛去本草引玄中記云姑獲鳥衣毛為飛鳥脫毛

為女又云是產婦死後化作一名隱飛一名夜行

遊女鬼又西北逕下雉縣王莽更名之潤兒矣當

神類也潤後併新陽水之左右公私裂漑咸沃壤舊吳屯

又東左得青林口江水左傍青林湖

水出廬江郡之東陵鄉江夏有西陵縣故是言

東矣尚書云江水過九江至于東陵者也西南流

水積為湖湖西有青林山宋太始元年明帝遣沈

攸之西伐子勛宋書晉安王子勛謀反伐柵青山覩一童子

甚麗問伐者曰取此何為答欲討賊童子曰下旬

當平何勞伐此在衆人之中忽不復見故謂之青

林湖湖有鯽魚食之肥美辟寒暑湖水西流謂之

青林水又西南歷尋陽分為二水一水東流通大

雷一水西南流注于江經所謂刊水也右對馬頭

岸自富口迄此五千孫云當餘里岸阻江山

乃新注

乃卷三十五

二十

三十九



